

Primera carta de San Pablo a los Corintios

Corinto cuto gānare Pablo ĩ papera cōare gaye

1 ¹Ñati Corinto cuto gāna mua. Yu ña Pablo. Sóstenes mani yagu rāca, “Quenajaro”, ya gūa. Dios ĩ āmoro bajiroti Jesucristo ocare yu riaso ucutoni yure cūñi ĩ. ²Mua Corinto cuto gāna cūni Dios ñarā ña mua. Ito bajiri adi papera cōa yu muare. Jesucristore tuorūnurā ñari Dios ñarā ña mua. Dios muare beseñi ñeñarise yimenati mua ñatoni. No mani Uju Jesucristore tuorūnurāti ito bajiroti ĩna ñare āmoguĭji Dios. Mani Uju ñami Jesucristo. No ĩre tuorūnurāre ĩna Uju ñami Jesucristo. ³Mani Jacu Dios, ito yicōri mani Uju Jesucristore cūni seni ĩsia yu muare yiari. Muare ĩna queno yijaro yirocū ĩnare senia yu. Mua ya usiju queno mua wanu quenatoni muare yiari ĩnare senia yu.

Cristore tuorūnurāre Dios ĩ queno yire gaye

⁴Jesucristo ĩ goda ĩsirajuna suoriti queno yami Dios muare. Ito bajiro ĩ yijare, “Queno ya Dios mu”, yisotia yu ĩre. ⁵Cristore tuorūnurā mua ñajare queno muare ejabuami Dios. ĩ gayere queno mua tuo rēbutoni ito bajiro yami Dios. Ito bajiri mua busirise, mua masirise cūni queno mua masi rēta budiroca yami ĩ. ⁶“Jesucristore mua tuorūnaja, mama usi muare wasoagu yiguĭji ĩ”, yu yiado bajiroti baja muare. ⁷Ito bajiri Jesucristo mani Uju ĩ ejari rumu mani bocatiroca queno yi ñagū yiguĭji Dios manire. Ito bajiro manire queno ĩ yijare ñejua ruyabeto yiroja manire, ĩre mani moa ĩsi masitoni. ⁸Macārucūro iti jediroto riojua Jesucristore mani tuorūnu jidicābitoni manire ejabuagu yiguĭji Dios. Ito bajiri Jesucristo mani Uju ĩ tūdi ejari rumu, “Seti cutirā ñama ĩna”, sīgūjua yi masimena yirāji ĩna manire. ⁹“Ado bajiro yigu yiguja yu”, ĩ yiado bajiroti yigu yiguĭji Dios. Dios ĩti ñami manire beseru. ĩ Macu Jesucristo mani Uju rāca sigūre bajiro mani queno ñatoni manire beseñi Dios.

Corinto cuto gāna ricati riti ĩna tuoĩare gaye

¹⁰Tuoya yu ñarā mua. Muare yu gotitoni yure cūñi mani Uju Jesucristo. Īre tuorūnurā ña mua. Ito bajiri sīgũre bajiro mua tuoĩaja quena. Ricati riti tuoĩabesa mua. Ado bajirojua mua yija quena. Sīgũre bajiro tuoĩacōri oca manoti queno mua ñaja quena. ¹¹“Ricati riti tuoĩama ĩna”, Cloé mesa ĩna yija tuocōri, iti muare busia, yu ñarā yu. ¹²Ado bajiro yure goticā Cloé mesa: “Ricati riti tuoĩama Corinto cuto gāna. Tite mu. ‘Pablöre tuo sũyarā ña guama’, yama gājerā. ‘Apolosre tuo sũyarā ña guama’, yama gājerā. ‘Pedrore tuo sũyarā ña guama’, yama gājerā. ‘Cristore tuo sũyarā ña guama’, yama gājerā”, yi goticā Cloé mesa yure. ¹³Ricati riti masa ĩna tuoĩaroca yigũ meje ñami Cristo. Muare yiari yucutēojũ goda ĩsibiticũ yu. Yure tuorūnucōri meje idé gu rotiyija mua. Cristojua tuorūnucōri idé gu rotiyija mua. ¹⁴⁻¹⁵Mua wato gānare jājarā meje idé gucũ yu. Crispore ito yicōri Gayore ĩna jūarāreti idé gucũ yu. Ito bajiri, “Pablöre tuorūnucōri idé gu roticũ gua”, yi tuoĩamenaji mua. Mua jājarāre idé gubitigorũ ñari, “Queno ya Dios mu”, yi tuoĩa yu. ¹⁶Baũ, gājerā Estéfanas ñarāre idé gucũ yu. “Iti cuto gāna gājerāre idé gucũ yu”, yi masibea yu. ¹⁷Masare yu idé gutoni meje yure cūñi Cristo. “Masare masogũ yiguĩji Cristo”, yire oca yu gotitoni yure cūñi ĩ. Bũto masirena masa ĩna tuo seyotoni busibea yu. Bũto tuo seyore oca yu busija, yujua tuorūnucōri Cristore tuorūnucōriboana masa. “Masare yiari yucutēojũ godaĩni Cristo”, yi yu masare gotija, iti ña ñasarise.

Dios ĩ masirise rucogũ ñami Cristo, yire gaye

¹⁸Adi oca iti gotija, “Manire masorocũ yucutēojũ godaĩni Cristo”, ya iti oca. “Bũroti baja ito, mecure oca ña ito”, yama jeame ũjurojũ warona. Mani Dios ĩ masoanareama oca wanũ quenare gaye ña. Sēorise ña Dios oca. Ito bajiri ĩ oca tuorūnucōri, “Cristo ĩ godarena suoriti manire masogũ yiguĩji”, yi tuoĩa mani. ¹⁹Dios oca tuti iti gotija ado bajiro gotia: “Adi sita gāna ĩna masirise bũto masire gaye meje ña”, masa ĩna yiroca yigũ yigũja yu. “Queno masirā ña gua”, yibojarāre, “Queno masirā meje ñama ĩna”, gājerā ĩna yi ti masiroca yigũ yigũja yu, yi gotiami Dios ĩ oca tutina. ²⁰“Queno masirā ña gua”, yama coriarā adi sita gāna. “Queno riaso masia gua”, yama gājerā. “Adi macārucũro gayere queno tuoĩa busi masia gua”, yama gājerā. Ito bajiro ĩna yibojarocati, “Queno masirā meje ñama ĩna”, gājerā masa ĩna yi ti masiroca yigũ ñami Dios. ²¹Jeyaro ñejua ruyabeto tuo masi jeogũ ñami Dios. Adi sita gāna ĩna tuo masirena meje ĩre masire āmoĩni Dios. ĩ ocare tuorūnucōri suoriti ĩre masire āmoĩni Dios. Ito bajiri ĩ oca tuorūnucōri riti masoami Dios. “Ito bajiro masare masoami Dios”, yire oca tuocōri, “Bũroti baja, mecure oca ña”, yama Diore masimena. ²²Tiyamani Dios ĩ ĩore ti āmoama judio masa. Masa ĩna masirisejua tuo sũya āmoama griego masa. ²³“Masare yiari yucutēojũ godaĩni Cristo”,

yire oca gotia maniam. Iti gayere mani gotija tuo amobiticōri, junisiniama judio masa. Judio masa meje cuni iti oca tuocōri, “Buroti bajia, mecure oca ña iti”, yama ña cuni. ²⁴Maniam Dios i beseana ñari Cristore tuorūnua mani. Mani judio masa, ito yicōri judio masa meje cuni Cristore mani tuorūnua Dios i beseana ña mani. Ito bajiri ire tuorūncōri, “Rētoro sēogū ñami Dios ito yicōri jeyaro masigū”, yi tuoia mani. Ito bajigu ñari jeame ũjuroju mani wabore ñaroca Cristona suoriti manire masogū yiguiji Dios. ²⁵“Masare yiari goda ñi rotiñi Dios Cristore”, yire oca tuocōri, “Queno masigū meje ñami Dios”, yi tuoia ire masimena. Ito bajibojarocati Dios i masirise masa ña masirise rēto busaro ñasarise ña. “Yucutēoju godañi Cristo”, yire oca tuocōri, “Queno sēogū meje ñañi Dios”, yi tuoia ire masimena. Ito bajibojarocati masa ña sēorise rēto busaro sēogū ñami Dios. ²⁶Tuoya yu ñarā mua. Buto masirā meje ñabojarāti Dios i beseana ña mani. Diore masimena ña tija buto masirā meje ña mani. Mani wato coriarāti ñama gājerāre rotiri masa. Mani wato coriarāti ñama ñasari masa rā. Buto ñasarā meje mani ñabojarocati manire beseñi Dios. ²⁷“Buto masirā meje ñama ña”, Diore masimena ña yianare beseñi Dios. Ito bajiro yiñi Dios, masimenare i beseja ticōri, “Masirā ña gua”, yirā ña bojo bujatoni. “Queno sēorā meje ñama”, Diore masimena ña yianare beseñi Dios. Ito bajiro yiñi Dios, sēomenare i beseja ticōri, “Sēorā ña gua”, yirā ña bojo bujatoni. ²⁸“Ñasarā meje ñama ña”, Diore masimena ña yianare beseñi Dios. Ire masimena ña ti tudianare beseñi Dios. Ito bajiro yiñi Dios, “Ñasarā ña gua”, yirā, “Ñasarā meje ña gua”, ña yi tuoia masitoni. ²⁹Ito bajiro Dios i yijare, i tiro riojo, “Ñasagu ña yu”, yi tuoia masigū mami. ³⁰Cristore mani tuorūnure amoñi Dios. Ito bajiri ire bajiro mani tuoiaroca yiñi Dios manire. Jesucristona suoriti i oca mani tuo masiroca yiñi Dios. Jesucristona suoriti manire boca amicōri mani queno yiroca yiñi Dios. Mani ñeñaro yirisere Cristo i waja yi isicājare, ñe seti mana ña mani Dios i tija. I ñarā ña mani ija. Cristona suoriti manire masoñi Dios. ³¹Ito bajiri i oca tuti iti gotija ado bajiro gotia: “ ‘Ñasarā ña gua’, yi tuoīabitirūja manire. Ado bajirojua yirūja: ‘Manire queno yiñi Cristo. Ijua ñami ñasagu’, yi wanu quenarūja manire”, yi gotia Dios oca tuti.

Yucutēoju godañi Cristo, yire gaye

2 ¹Tuoya yu ñarā mua. Dios gaye muare goti amogū, tuo seyore oca rāca meje muare busi ucucu yu. Ito yicōri buto masire ocana meje Dios oca muare goticu yu. ²Mua tu yu ejacati coji gaye ñasarise muare goti amocu yu. “Yucutēoju godañi Cristo masare yiari”, yire gaye riti muare goti amocu yu. ³Ñasagu meje bajiro mua tu ejaču yu. Mua tiro riojo güigu nūcho basicu yu. ⁴Muare yu busija, yu masirisena meje muare basicu yu. Ito yicōri Dios oca muare yu riasoja, yu masirisena meje muare riasocu yu. Cristore mua tuorūnure amogū, masa ña masirisena meje muare

būsicu yu. Ado robojua bajicu: Ī oca mware yu riasoroca ĩ masirisena mua tuorũnuroca yĩni Espĩritu Santo. ⁵Ito bajiri masa ĩna masirise tuo seyocõri meje Jesure tuorũnyija mua. Ī ocare mua tuo masiroca yĩni Dios. Ito bajiri ĩ masirisena suoriti Jesucristore tuorũnyija mua.

Espĩritu Santona suoriti Diore masia mani, yire gaye

⁶Jesucristore rĩcũbuocõri queno ĩre tuo rĩtoburãre yu busija queno masire ocana ĩnare busia yu. Ito bajiro yu busija, adi sita gãna ĩna masirisena meje busia yu. Ito yicõri adi sita gãna ujarã ĩna masirisena meje busia yu. Adi sita gãna ujarã ñabojana ĩna masibojare rĩcati godarã yirãji ĩna. ⁷Yu busija, Dios ĩ masirisena busia yu. Ito bajiro yu busija, masa ĩna tuo masiroti gaye ña iti. Adi macãrucũro ĩ rujeoroto riojua, “Ado bajiro masare masogũ yigũja yu”, yi masicãni Dios. Iti oca masa ĩna masibitire Dios ĩ masirisena masare riasoa yu. ⁸Sĩgũjua adi sita gãna ujarã ĩtire tuo masirã mama. “Cristona suoriti masare masogũ yigũji Dios”, yi ĩna tuo masija, mani Uju ñasagure yucũtẽojũ siabitiboana ĩna. ⁹Dios oca tuti iti gotiado bajiroti baja. Tuote mua:

Īre tuo mairãre yiarĩ quenarise queno yucãni Dios. Masa ĩna tiĩabiti, ĩna tuobiti, ĩna tuoĩabiti cuni quenarise queno yucãni Dios, yi gotia Dios oca tuti.

¹⁰Espĩritu Santo manire queo sãcõri, “Quenarise queno yicãni Dios”, yi mani tuo masiroca yami Dios. Dise ruyabeto masiami Espĩritu Santo. Dios ĩ tuoĩarise masi jeoami Espĩritu Santo.

¹¹Mani masamasiti, “Ī ito bajiro tuoĩami”, gãmeri yi masibe mani. Īmasiti, “Ito bajiro tuoĩa yu”, yi masiguĩji ĩ. Ito bajiroti Espĩritu Santo sĩgũti Dios ĩ masirisere masiguĩji. ¹²Jesucristore tuorũnurã ñari adi sita gãna ĩna masirise boca amiana meje ña mani. Espĩritu Santo Dios ĩ cõarureama boca amiana ña mani. Dios queno manire ĩ yire gaye mani tuo masitoni Espĩritu Santore cõañi Dios manire yiarĩ. ¹³Ito bajiri mani busija, mani tuoĩa rujeorisena meje busia mani. Espĩritu Santo manire ĩ riasorise busia mani. Mani tuoĩa rujeorisena meje busia mani. Espĩritu Santore boca amigoana ñari, gãjerã ĩre boca amigoanare ĩ gayere goti rĩtobu masia mani.

¹⁴Adi sita gãna Espĩritu Santore boca amimena Dios gayere tuo masimenaji ĩna. “Bũroti baja, mecure oca ña”, yi tuoĩarãji ĩna. Ito bajiri ĩtire tuo amomenaji ĩna. Espĩritu Santore boca amimena ñari Dios gayere tuo masimenaji ĩna. ĩna tuo masiroca Espĩritu Santo ĩ yibeja tuo masimenaji ĩna. ¹⁵Espĩritu Santore boca amianama Dios gayere tuo masirãji ĩna. Ito bajiri, “Dios gayere tuo masirã meje ñama ĩna”, sĩgũjua yigũ maquĩji ĩnare. ¹⁶Dios oca tuti iti gotija, ado bajiro gotia: “Mani Uju ĩ tuoĩarise masigũ maquĩji. Ñimũjua Diore riasogũ maquĩji”, yi gotia Dios oca tuti. Ito bajibojarocati Espĩritu Santo quedi sãja ecoana mani ñajare, Cristo tuoĩarise mani tuo masitoni manire ejabũami ĩ.

Diore mani moa ĩsiroti gaye

3 ¹Tuoya yu ñarã mua. Espĩritu Santore queno tuorũnusamena mua ñajare, josari gaye muare busibiticu yu maji. Adi sita gãna Espĩritu Santore boca ãmimena bajiro josarise gaye meje muare basicu yu. Iti rãmũju Cristore boca ãmiana ñabobarãti ĩre mua queno tuo suyabeyare, řĩacare busigu bajiro muare basicu yu. Queno mua tuo masibeyare řĩaca robo bajiro muare basicu yu. ²Josabitire muare riasocu yu. Macuacã ũjugũ, ojegõa riti ũjuguĩji. Bare butirise ĩre ecamenaji. Iti robo bajiroti Cristore mua tuorũnusamena ñajare, josarise gaye muare busibiticu yu maji. Adocãta cuni josarise gaye muare riaso masibea yu maji. ³Adi sita gãna Jesure boca ãmibitiana bajiro mua ñajare, josarise gaye muare riasobea yu maji. Gãjerãre ti ñorã ña mua maji. Gãmeri busitua mua. Ricati riti tuoĩa mua. Diore masimenare bajiro tuoĩacõri ĩna yiado bajiroti ya mua maji. ⁴Mua coriarã ado bajiro ya: “Pablore tuo suyagu ña yuama. Ito yicõri Apolosre tuo suyagu ña yuama”, ya mua. Ito bajiro mua yija, adi sita gãna Diore masimena ĩna yiado bajiroti ya mua maji.

⁵Yu Pablo ñasagu meje ña. Apolos cuni ñasagu meje ñami. Diore moa ĩsirã ña gua. Gua riasorisere tuorũnucõri Cristore tuorũnyija mua. Gua Apolos rãca mani Uju ĩ moare cũado bajiroti moa gua. ⁶Yu muare cajero riasosuocu. Ito bajiri aje otesuogu robo bajiro bajia yu. Yu bero Apolos jai busaro muare riaso remoñi. ĩ ñami aje juditoni ide jio gugũ bajiro yigu. Dios ñami Cristore mua masiroca yigu. Ito bajiri gua otere judiroca yigu bajiro yigu ñami Dios. ⁷Aje otesuogu, aje ide jio gugũ cuni ñasarã meje ñama ĩna. Dios ñami ñasagu. ĩ ñami iti judi mũjaroca yigu. Ito bajiroti ĩ oca riasorã, ito bero gãjerã goti quenorã cuni ñasarã meje ñama ĩna. Dios ñami ñasagu. ĩ ñami Cristore mani masiroca yigu. ⁸Aje oterã, otere ide jio gurã cuni corocõ moama ĩna. Ito bajiroti Dios oca riasorã, ito bero gãjerã goti quenorã corocõti moama ĩna. ĩna moado bajiroti ĩnare waja yigu yiguĩji Dios. ⁹Gua Apolos rãca sigũre bajiro tuoĩacõri Diore moa ĩsirã ña gua. Mua ña sita Dios ĩ coderiju robo bajirã. Gaje Dios ĩ wi menisuori wi robo bajirã ña mua, ĩre cudisuorã mua ñajare. ¹⁰Dios oca muare riasosuogu ñari, wi menirotijũ wi godo gosuogu robo bajiro bajigu ña yu. Yure ti maicõri muare ĩ oca yu gotitoni yure cũni Dios. Gãjerã yu bero riasorã wi godo yu goraju wi menisuorã robo bajirã ñama ĩna. Wi queno riojo ñari wi menirã bajiro Dios ocare queno riojo ĩna riasoja quena. ¹¹Wi meniri masa cajero botari ĩna ãmi cũbeja menimenaji. Ito bajiroti Dios oca gotiri masa cajero Cristo gaye ĩna goti rãtobubeja tuo masimenaji. “Mani ñeñaro yirise waja, waja yi ĩsirocũ godaņi Cristo”, yi muare riasocãcu yu. Iti ña ñasarise. “Ado bajiro Dios ñarã ñarã yirãji masa”, yire gaye oca riojua gaye ñe gaje oca ñasarise gotisuore manoja. ¹²Wi menirotijũ gorajure quenari wi menirona gũta queno butirisena, orona, plata wame cutirisena menirãji ĩna. Gãjerã buto butiri wi meje ĩna menija, yucu jidirisena, muji yoari meje jogarisena, ito yicõri ñicojã jidirisena meniborãji ĩna. Queno Dios oca riojo riasorã ĩna ñama butiri

wi bajiro menirã. Riojo ñasarise queno riasomena ñna ñnama jidiri wiacã bajiro menirã. ¹³Masa tiro riojo Dios i beseri rumu mani moagoado bajiroti waja senigũ yiguĩji Dios. Iti rumu jea ẽjurise ejaro yiroja. Mani moagore quesoĩaro ejaro yiroja iti. Mani moagore quenarise iti ñaja, ẽabeto yiroja. Ñeñarise iti ñaja, ẽa jedicoaro yiroja. ¹⁴Dios oca queno riojo riasoanare ñna moagore jedibeto yiroja. Gũta wi ẽabeto bajiro, ñna moagore jedibeto yiroja. Ito bajiri ñnare waja yigu yiguĩji Dios. ¹⁵Dios oca queno riasobitianare ñna moabojare jediro yiroja. Yucu wi iti ẽa godaro bajiroti jediro yiroja. Ñna ya wi ẽaja budigoana robo bajirã yirãji ñna. Jeyaro ñna moabojare ẽa godacoaro yiroja. Ito bajibojarocati jeame ẽjuroju cõabicu yiguĩji Dios ñnare. Ñnare masogũ yiguĩji Dios Jesucristore ñna tuorũnja.

¹⁶Espĩritu Santo quedi sãja ecoana ñnari Dios ya wi robo bajirã ñna mani. ¿Iti gayere masibeati mua? ¹⁷Dios ya wi robo bajirã ñnari i ñnarã ñna mani ija. Ito bajiri sĩgũ manire i ñneñoja manire i ñneñore waja ire waja senigũ yiguĩji Dios. Ito yicõri ire ruyuriogũ yiguĩji Dios.

¹⁸Muamasiti mua rujurire ruobesa. “Adi sita gãna ñna masirise masi jeocõri buto masigũ ña yu”, yibitiruja muare. Ado bajirojua mua yija quena. “Buto ñasagu meje, buto masigũ meje ña yu”, yiruja muare. Ito bajiro mua yija queno masirã ñnarã yirãji mua. ¹⁹“Queno masirã ña gua”, adi sita gãna ñna yibojarocati ñe ma Dios i tija. Dios oca tuti iti gotija ado bajiro gotia: “Queno masirã ña mani. Ado bajiro yirã yirãji mani”, ñna yi tuoĩabojarocati ñnare camotagu yiguĩji Dios, yi gotia Dios oca tuti. ²⁰Gaje iti gotija ado bajiro gotia: Adi sita gãna queno masirã ñna masirisere masi jeocõami Dios. “Queno masibeama ñna”, yami Dios, yi gotia i oca tuti. ²¹Ito bajiri, “Yu tuo sayagujua ñami buto masigũ”, yi tuoĩa wanre ma muare. Dios oca muare riasorãre ñna oca mua tuo masitoni ñnare cũni Dios. ²²Gua, yu, Apolos, Pedrore cuni i oca muare riasotoni guare cũni Dios. Adi sitaju mani catiroti, mani godaroti cuni cũni Dios. Jane gaye, ija rãtaroti gaye cuni manire cũ isĩni Dios manire ejabuaroti gaye. ²³Cristo ñnarã ñna mani. I Cristo Dios yagu ñami. Ito bajiri mani cuni Dios ñnarã ñna ija.

Jesucristo oca goti ucuri masa ñna moare gaye

4 ¹Ado bajirojua guare mua tuoĩaja quena: “Cristore moa isira ñama ñna”, guare mua yi tuoĩaja quena. Guare cũni Dios i oca masa ñna masibitire gua riasotoni. ²Moare cũ ecoana mani ñaja, queno mani moaja quena. Ito bajiro mani queno yija ticõri, manire tuorũnurã yirãji gãjerã. ³“Cristore queno moa isigũ ñami Pablo”, mua yija, mua yibeja cuni, tuoĩa usirio yibea yu. “Cristore queno moa isigũ ñami Pablo”, masa ẽjarã ñna yija, ñna yibeja cuni, tuoĩa usirio yibea yu. “¿Cristore queno moa isicati yu? Queno moa isibitiruja gajea yu”, yi masibea yu. Cristo sigũti “I ñami queno yure moa isigorũ”, yi masiguĩji. ⁴Yu tuoĩaja Cristore queno moa isicu yu. Ito bajibojarocati, “Seti macu ñami i”, yireoni meje ña iti. Mani ẽju Cristo riti ñnaguĩji, “Queno moa isiquĩ Pablo yure”, yigu. ⁵Mani ẽju i ejaroto

riojua, gãjerã ãna yirise ticõri, “Ñeñaro yirã ña mua”, yibitiruja manire. Mani Uju ï tãdi ejari rumu, yeyorojua masa ãna yibojare gãjerã masa ãna tiro riojo itire gotigu yiguïji ï. “Ado bajiro yi ãmoa yu”, yi masa ãna tuoïa ñarise cuni recoti ïogũ yiguïji Dios. Ito bajiri ïre queno moa ïsigoana mani ñaja, “Queno yure yicu mua”, yi wanugũ yiguïji Dios manire.

⁶Tuoya yu ñarã mua. Queno mua ñatoni iti gaye muare busia yu. Yu gaye, Apolos gaye cuni muare gotia yu. “Ado bajiro yami Pablo, Apolos cuni”, mua yi masitoni iti gaye muare gotia yu. Itire masicõri adi tuti iti rotiro bajiro ricati yibitiruja muare. Ito yicõri, “Guajuare riasori masa, muare riasori masa rãto busaro masirã ñama ãna”, gãmeri yibitiruja muare. ⁷“Gãjerã rãtoro masirã ña gua”, yire ma muare. Jeyaro mua masirise Dios ï muare jidicãre ña. Mua masirise muamasiti mua bujare meje ña. Dios ï jidicãre ña. “Dios oca riasoticõri, guamasiti queno tuo rãtobua gua”, yire ma muare. “Dios ï ejabuarisena queno tuo rãtobua gua”, mua yija quena.

⁸“Dios oca queno masia gua. Dise ruyabeto jeyaro masi jeoa gua”, yi tuoïa mua, yu tija. “Ujarã robo bajiro bajicã gua ïja”, yi tuoïabojacõri guare jidicã mua ïja. Ito bajiro mua yija, “Queno tuoïarã meje ñama ãna”, yi tuoïa yu muare. Riti ujarã mua ñaja, quena ñaboadoja. Ujarã mua ñaja mua rãcati rotiboana gua cuni. ⁹Ado bajiro tuoïa yuama. Gua Jesucristo ocare riaso ucurã, “Bero gãna manire cuni Dios”, yïado bajiro tuoïa gua. “Ïnare siacõrã yirãji mani”, ãna yiana bajiro tuoïa gua. “No bajiro ñnare rãtaja tiana mani”, yi tiama masa guare. Adi sita gãna, ïmacãju ángel mesa cuni guare rãtarotire ti ñarãji ãna. ¹⁰Jesucristo oca gua riasojare, “Mecuri masa ñama ãna”, yi tuoïama masa guare. Ito bajiro guare ãna yiroca, “Queno masirã ña guama”, yi tuoïa mua. “Dios oca queno goti masirã meje ñama”, yi tuoïama masa guare. Ito bajiro guare ãna yiroca, “Dios ocare queno goti masia gua”, ya muama. Guareama masa ti te ñama. “Masa ãna ti rucubuoana ña mani”, ya muama. ¹¹Iti rumuju gua ñiocõcato bajiroti ñiocõa gua adocãta cuni. Ide ma guare. Yutabujuri cuni ma guare. Masa ñeñaro yama guare. Wi ma guare. ¹²Ruje moacõri boga gua. Masa ãna ñeñaro guare ãna busitubojarocati, “Dios queno yijaro muare”, yire gaye rãca ñnare cudia gua. Guare ãna usirioro ãna yi codebojarocati ñnare gãmebea gua. ¹³Guare ñeñaro ãna busitubojarocati, usiriomenati ñajuare oca goti quenoa gua. Guare ti wanubeama ãna. Adi sita gãna ãna ãmobitire, ãna cõado robo bajiro guare tiama ãna. Iti rumuju cuni, adocãta cuni ñaro bajiroti guare ti teama ãna.

¹⁴Mua bojo bujatoni meje ito bajiro muare uca yu. Yu rãa yu mairã robo bajiro muare tuoïa yu. Ito bajiri muare goti riasogu adi muare uca yu. ¹⁵Diez mil ñarã Jesús oca riasori masa ñabojarocati sigũ ñami muare Jesús oca riasosucoc. Yu ña muare cajero riasosucocac. Ito bajiri mua jacu robo bajigu ña yu. “Jesucristore mua tuorũnaja, muare masogu yiguïji Dios”, yu yija tuocõri, ïre tuorũnucoc mua. ¹⁶Yu yïado bajiroti mua yitoni muare josa yu.

¹⁷Ito bajiro mua yire amoa ya. Ito bajiri Timoteore mua tu cõa ya. Ì ñami mani Ujũre queno tuorũnũgũ. Ito bajiri ya macũre bajiro ire tuo maia ya. “Cristore tuorũnũgũ ñari ado bajiro ñasotiami Pablo”, mua yi masitoni muare gotigu yiguĩji Timoteo. Jesucristore masirãre jeyaro ya riaso ucure gaye muare goti rõtobugũ yiguĩji ì. ¹⁸“Mani tu ejabicũ yiguĩji Pablo. Ito bajiri mani amoro bajiroti yiana”, yi tuoĩa wanũboja mua coriarã. ¹⁹“Dios ì amoja, yoari mejeti muare tigu wacu yiguja ya”, yi tuoĩa ya. Mua tu ya ejaja, ito bajiro tuoĩa wanũbojarãre tigu yiguja ya. Mua tu ejacõri, no bajiro ña yija tigu yiguja ya. Ito yicõri, riti Dios ì masirisena ña moaja ti ejaũ yiguja ya. ²⁰“Ire tuorũnũrãre ì rotiroju miojugu yiguĩji Dios”, mani yi masija, oca riti meje busirãji mani. Ì ejabuarisena queno ire moa isirã yirãji mani. ²¹¿No bajiro amoati mua? Ñeñaro mua yisotire mua jidicãbeja, “Quenabea mua”, ¿ya yi tũdi ejare amoatite mua? Ñeñaro mua yirise mua jidicãja, ¿mua tu ejacõri ya wanũrejuare amoatite mua?

Rocati romiare ajere quenabea, yi Pablo ì gotire gaye

5 ¹Sigũ mua rãca gagũ ado bajiro oca ruyuami: “Ì jacũ manõjo rãca quenabeto aje ñayiju”, yire oca ruyua. Iti ña bũto ñeñaro yire. Gãjerãma Diore masimena ñabõjarãti itioniregorama yimenaji. ²Iti ñeñarise mua wato ì yi ñabõjarocati, “Queno yirã ña gũ”, ¿yi tuoĩa wanũbojati mua? Masa ña godaja bojori bũjaro bajiro bojori bũja ñarũja muare. Ñeñaro yigũre ire mua bucõaja quena. ³Reco mua rãca ñabitibõjagũti, ya tuoĩarisena mua tũju ña ya. Mua rãca ñabitibõjagũti, “Ado bajiro yiroja ì ñeñaro yirise waja”, yi masicã ya. ⁴“Ado bajiro amoami mani Uju Cristo”, yirona mua minijuare amoã ya. Ito bajiro mua minijua ñaroca ya tuoĩarisena mua rãca ñagũ yiguja ya. Mani Uju Jesucristo cũni ì masirisena mua rãca ñagũ yiguĩji ì, “Ado bajiro gũ yija quena”, mua yi tuoĩatoni. ⁵Minijuacõri ñeñaro yigũre bucõaña mua, rũmũa uju Satanás ì amoro bajiro ire ì yitoni. Ito bajiro mua yija, ì amoro bajiroti ì tõbũjaroca yigu yiguĩji Satanás ire. Ito bajiro mua yija ì ñeñaro yirisere jidicãgũ yiguĩji gajea. Ito bajiro ñeñaro ì yirise ì jidicãja, mani Uju Jesucristo ì tũdi ejari rũmũ ire masogũ yiguĩji.

⁶Ito bajiro ñeñarise mua wato ì yi ñaja, “Queno yirã ña gũ”, yire ma muare. Wadarise uco jabeto mani wõja, ñarocõti wusa jediroja. Ito bajiroti ñeñaro yigu mua wato ì wusaja ñeñaro yirã riti ñarã yirãji mua. ¿Iti gayere masibeaati mua? ⁷Ito bajiri mua wato ñeñaro yigũre bucõaña, gãjerã cũni ñeñaro ña yibe yirona. Ìre bajiro ñeñaro yibeama gãjerã maji. Ito bajiri ñeñaro yisũogũre bucõaja quena. Mani ñeñaro yirise waja, waja yirocũ manire yari goda isĩni Cristo. Pascua basa menirã oveja macũre siasotiama ña. Ì robo bajiroti manire goda isirũ ñari, oveja macũ robo bajiro bajigu ñami Cristo. Ito bajiri mani ñeñaro yirise Cristo ì waja yicãre ñajare, mani wato ñeñaro yirãre bucõaja quena. ⁸Ñeñarisere camotadigorũja manire. Ito bajiro mani bajija naju wadarise uco wõya mana robo bajirãji mani. Gãjerãre ti tudibitirũja manire. Ito yicõri jeyaro ñeñaro yirise jidicãcõri quenarise rioti yisotirũja manire.

⁹Iti rumujũ muare yũ papera cõasucati ado bajiro muare goticũ yũ: “Rocati romia ajerã rãca baba cutibeja mua”, yi muare goti ñucacũ yũ iti rumujũ. ¹⁰Ito bajiro yũ yicati, “Adi sita gãna Jesure masimenare camotadiya mua”, yirocũ meje yicũ yũ. Ñna Jesure masimena rocati romiare ajerã ñama ñna. Jai busaro niyeru bũja ãmorã ruorã ñama ñna. Riniri masa ñama ñna. Ito yicõri ñna meni rujeorũre rũcũbuoama ñna. “Adi sita gãnare camotadiya”, yũ yija, adi sitare wagoboana mua. “Ito bajiro yiba”, yirocũ meje yicũ yũ. ¹¹“Ado bajirojua yiba mua”, yirocũ muare goticũ yũ. “Jesure tuorũnũgũ ña yũ”, yibojagũti, rocati romiare ajegũ rãca baba cutibeja. Jai busaro bujarocũ ruogũre baba cutibeja. Ñna meni rujeorũre rũcũbuogãre baba cutibeja. Rocati ruocõri oca menigũ rãca baba cutibeja. Mecũ jaigũ rãca baba cutibeja. Ito yicõri, “Jesure tuorũnũgũ ña yũ”, yibojagũti rinire jaigũre baba cutibeja, yirocũ muare gotisucũ yũ iti rumujũ. Ito bajiro ñeñaro yirã rãca baba cutibeja. ¹²⁻¹³Dios riti ñami Jesure tuorũnũmenare ñna ñeñaro yirise waja, waja seni masigũ. Maniama ñna ñeñaro yirise waja, waja seniri masa meje ña mani. Ito bajibojarocati mani robo bajiro Jesucristore tuorũnũrã ñabojarãti ñeñaro yirise ñna jidicã ãmobeja mani bucõaja quena. Dios oca tuti iti gotija ado bajiro gotia: “Mua rãca gagũ ñeñaro yigũre bucõaña”, yi gotia Dios oca tuti.

Gãji Jesure masigũ rãca mani oca cutire gaye

6 ¹Gãji Jesucristore masigũ rãca mua oca josaja, iti oca quenorona Jesure masimena oca quenori masa tũ wabeja. Ado bajirojua mua yija quena. Jesure masirã oca quenori masa tũjua mua waja quena. ²Mani Dios ñarã ï rãcati adi sita gãnare beserã yirãji. ¿Itire masibeati mua? Riti ï rãca beserã yirãji mani. Ito bajiri Dios rãca adi sita gãnare mani bese masija, oca jabeto iti ñaja queno masirũja manire. ³“Umacũju ãngel mesare Dios rãca beserã yirãji mani”, ¿yi masibeati mua? Ñnare mani bese masija, adocãta mani wato oca jabeto ñarisere queno masirũja manire. ⁴Ito bajiri mua wato oca ñaja, Jesure masimena oca quenori masa tũ wabeja. Ñnaõna tũ mua waja quenabea. ⁵Mua bojo bujatoni itire muare gotia yũ. ¿Mua wato queno tuo masigũ Jesure tuorũnũgũ oca quenori masũ ñabiquijida? Ñaguji gajea. ⁶Ito bajibojarocati gãji Jesure masigũ rãca mua oca josaja, Jesure masimena oca quenori masa tũ warãji mua. Ito bajiro mua yija quenabea. ⁷Jesure masirã ñabojarãti mua gãmeri tudija, “Jesure queno cudirã meje ñama ñna maji”, yi tuoĩagũja yũ muare. Gãjire mua seti yija quenabea. Sigũ muare ñeñaro ï yibojarocati, mua gãmebeja, itijua ña bũto busa quenarise. Gãji muare ï rinija, riojoti tibojaja quena. Ire gãmebeja. ⁸Ito bajiro yibesa mua. Muamasiti ñeñaro yicõri mua ñarãre rinia mua. ⁹⁻¹⁰“Dios ï rotiroju ejamena yirãji ñeñaro yiri masa”, yi masicãrã ñaboja mua. “Ñeñaro yirã ñabojarãti Dios tũ ejarã yirãji mani”, yi tuoĩaboja mua. Ado bajiro ñeñaro yirã Dios tũ wamenaji. Tũote mua. Rocati romiare ajerã

Dios tu wamenaji. Ñna meni rujeorure rûcubhorã cûni wamena yirãji. Manojõ cutirã ñabojarãti gãjerã romiare ajerã, ñna comasiti yirã cûni, riniri masa cûni, jai busaro bujarona ruorã cûni, mecû jairã cûni, rocati socacõri ruo gotirã cûni, rini ucurã cûni Dios tu wamenaji. “Ñna robo bajiro ñeñaro mani yibojarocati Dios tu ejarã yirãji mani”, yi tuoïabojabesa mua. ¹¹Iti rumûjû ñna robo bajirã ñayija mua maji. Mua ñeñaro yirisere waja yi ecoana ña mua ñja. Ito bajiri Jesucristore tuorûncõri Dios ñarã ña mua ñja. Espiritu Santona suoriti Dios ï boca ãmiana ña mani. “Ñna ñama quenarã. Yure waja ruyuriobeama ñna”, Dios ï yi tuoïarã ña mani.

Mani ya rujû Dios yeti ña, yire gaye

¹²Ado bajiro yama coriarã: “Rẽore ma guare. Gua ãmoro bajiroti yi masia gua ñja”, yama coriarã. Riti ña, ito bajibojarocati jeyaro mani yi ãmorise quenarise meje ña. Mani yi ãmorise gãjerãre iti ejabuabeja, yibitirûja manire. Mani ãmoro bajiro yi masirã ñabojarãti, ñeñaro mani yi uyabojarisere yibe yirona, mani ya rujure rẽoja quena. ¹³Gãjerã ado bajiro yama: “Jeraga mani sãroti ña bare. Bare sãñarijû ña jeraga. Ito bajiro manire meniñi Dios”, yama gãjerã. Ito bajibojarocati, mani ya jeraga, bare cûni ñatûñaroti meje ña. Mani babojarise, mani ya jeraga cûni jediroca yigû yiguñji Dios ûmacûjû. Gãjerã ado bajiro yibojama ñna: “Romia rãca mani ajetoni rujû manire ñsiñi Dios”, yibojama ñna. Ado robojua baja: Mani Ujure mani moa ñsitoni rujû ña manire. Ñ ñami mani ya rujure tirûnugû. ¹⁴Mani Ujû Jesucristore tûdi catiroca Dios ï yiado bajiroti mani tûdi catiroca yigû yiguñji Dios. Ñ masirisena manire ãmi mujagû yiguñji Dios.

¹⁵Mani ya usijû quedi sãjacõri mani ya rujûjû ñaguñji Cristo. “Ito bajiro bajiguñji”, ¿yi masibeati mua? ¿Mani ya usijû ñabojarocati wedi maso rãca mani waja quenati? Meje, quenabetoja. Ito bajiri itire yibitirûja manire. ¹⁶Sigû wedi maso rãca ñ ajaja co ruja bajiroti rujû cutirã ñama ñna. “Ito bajiro bajiroja”, ¿yi masibeati mua itire? Dios oca tuti ado bajiro gotia: “Manojõ cutigû co rujû bajiroti rujû cutirã ñama ñna”, yi gotia Dios oca tuti. ¹⁷Sigû Cristore boca ãmigû ï ya usijû ï quedi sãjaroca sigû robo bajiro bajiamã ñna jûarã.

¹⁸Ito bajiri muamasiti mua ya rujû ñeñaro iti tuoïaro bajiroti ñeñaro yibesa. Gaje ñeñaro mani yirise mani ya rujûna meje ya mani. No ñmasiti ï ya rujû ñeñaro iti tuoïaro bajiroti ñeñaro ï yija, ï ya rujure ñeñogû yami ï. ¹⁹Manire Espiritu Santo queo sãñi Dios. Ito bajiri Espiritu Santo mani rãca ñami ñja. Manire ï quedi sãjaja bero mani ya rujûti ñaroja ï ya wi ñja. Mani ya rujû Dios yeti ña. ¿Itire masibeati mua? Ñ ñami mani Ujû. ²⁰Ito bajiroti baja. Ñ ñarã mani ñatoni waja rûcuro manire waja yi ãmiñi ï. Mani ya rujû, mani tuoïarise cûni Dios yeti ña. Mani ya rujûna, mani ya usina cûni Dios ï ãmoro bajiro riti yirûja manire.

Manojo cutire gaye

7 ¹Paperana yure mua seniã ñucare adocãta itire cudigu ya yu. ¿Sìgũ manojo macu ña ña ãmoja quena ñati? yure mua yi seniã ñucare, “Quena ña”, ya yu itire. ²Ito bajibojarocati, “Ìna manojo cutibeja rocati ajerã yirãji gajea”, yi masicõri, “Ìna manojo cutija quena”, ya yu. Romia cuni ña manujũ cutibeja rocati ajerã yirãji gajea. Ito bajiri ña manujũ cutija quena. ³Manojo cuticõri iso ãmoro bajiro cudija quena. Isojua cuni ito bajiroti manujũ ña ãmoro bajiro cudija quena. ⁴Manujũ cuticõri, “Yu ãmoro bajiro yicoja yu”, yire ma romiore. Iso manujũ yago ñamo iso ña. Manojo cuticõri, “Yu ãmoro bajiro yicuja yu”, yire ma ãmugũre cuni. Ì manojo yagu ñami ña ña. ⁵Ito bajiri manujũ cutirã, manujũ ña yi ãmoja, “Yibesa”, yire ma romiore. ãmugũre ito bajiroti, manojo iso yi ãmoja, “Yibesa”, yire ma ãmugũre. Diore rucubũrona, “Yibitirũja mani maji”, yi ña jũarãjũ ña tuoĩaja, quena ña. Diore rucubũro tiorã ña yisotiado bajiroti ña yija quena ña mucana. “Yoari ña yibeja ñemecuti masimenaji”, yi tuoĩagũ ñami Satanás. Ito bajiri yoari ña yibeja, gãjerã rãca ña aje ãmoroca yi codegu yiguĩji rũmũa ujũ.

⁶Itire mũare rotirocu meje ya yu. Yu gotiro bajiroti mua yija, “Quena ña”, yirocu mũare ya yu itire. ⁷Yumasiti yu tuoĩaja, yu bajiro riti mua bajija quena. Manojo macu ña yuama. Ito bajibojarocati sigũ robo bajirã meje ña mani. Gãjerãre ña manojo cutiroca yami Dios. Gãjerãre manojo mana ñabojarãti ña wanũroca yami Dios.

⁸Mua manojo manare, manojo godagoanare cuni ado bajiro ya yu mũare: Yu robo bajiro manojo mana mua ñacõaja quena ña. ⁹Ito bajibojarocati sigũ ña ñemecuti masibeja, manojo cutija quena. Sigũ romiare buto ña tuoĩaja, ña manojo cutija quena ñocũre. Romio cuni ãmugũre buto iso tuoĩaja, iso manujũ cutija quena isore.

¹⁰Ado bajiro rotia yu mũare. Mua manujũ cuticãna gãmeri jidicãre ma. Iti ña mani Uju ña rotire. Yumasiti yu tuoĩa rujeore meje ña iti. ¹¹Sigõ manujũ jidicãro iso ñaja, gãji manujũ cutire ma isore. Iso manujũ ñacãru rãca oca quenoja quena mucana. Ito bajiroti ãmugũ cuni ña manojo cutija, jidicãre ma.

¹²Adocãta yu tuoĩarisere mũare gotigu ya yu. Mani Uju ña gotigore meje ña iti. Ì cũru ñari ado bajiro gotia yu: Mua coriarã Jesure masimena rãca manojo cutirã ñarãji mua. Mua manojosãromia mua rãca ña ña jidicã ãmobeja, jidicãre ma mũare. ¹³Mua coriarã Jesure masimena rãca manujũ cutirãji mua. Mua manujusabatia mua rãca ña ña jidicã ãmobeja, jidicãre ma mũare. ¹⁴Mua manujusabatia Jesure masimena ñabojarãti mũare ña manojo cutija, ñare cuni ti maigũ yiguĩji Dios. Dios mũare ña queno yiado bajiroti mua manujusabatiare cuni queno yigu yiguĩji Dios. Ito bajiroti mua manojosãromiare Jesucristore masimena ñabojarãti ñare ti maigũ yiguĩji Dios. Mua riãre cuni ti maigũ yiguĩji Dios. Jesure tuorũnrã mua ñajare, mua riãre cuni queno yigu yiguĩji Dios. “Yure tuorũnrãmena rã meje ñama”, yi tuoĩacõri

mua rñare cuni queno yigũ yigũiji Dios. ¹⁵Sigũ Jesure masigũ ĩ manajo Jesure tũorũnũbeco ñari iso jidicã ãmogõ iso josaja, jidicãja quena. Sigũ mua manũjũ Jesure masibicu ñari ĩ jidicã ãmogũ ĩ josaja, jidicãja quena. Ñe oca manoti queno mani ñare ãmogũiji Dios. Ito bajiri jidicã ãmorã ĩna josaja, ĩnare mai cũbeja quena. ¹⁶“Jesure masigõ yũ ñajare yũ rãca ĩ ñaja, Jesure boca ãmigõ yigũiji ĩ cuni”, yi tuoĩa masibebe mua. “Jesure masigũ yũ ñajare yũ rãca iso ñaja, Jesure boca ãmigõ yigõji iso cuni”, yi tuoĩa masibebe mua.

¹⁷Mani ñaroto bajiroti manire cũni Dios. Jesure boca ãmicõri mani ñasuoado bajiroti mani ñaja quena. No Jesure tũorũnũrã ĩna minijua, ito bajiro gotisotia yũ ĩnare. ¹⁸Sigũ wiro tagorũ Cristore ĩ boca ãmija, “Bũjato baja wiro tagorũ ña yũ”, yire ma. Sigũ wiro taya macũ Jesure ĩ boca ãmija, ĩ ñado bajiroti ĩ ñaja quena. ¹⁹Wiro tana mani ñaja, taya mana mani ñaja cuni, no yibea. Ñasarise meje ña. Ado robojua baja ñasarise: Dios ĩ ãmoro bajiro mani yija, iti ña ñasarise. ²⁰Cristore boca ãmicõri mani ñasuoado bajiroti mani ñaja quena. ²¹Gãjerãre moa ĩsi ñarã Jesure mua boca ãmija, “Bũjato baja ĩna josũ ña yũ”, yire ma mũare. Ito bajijobarocati mũajũare ĩna bucõa ãmoja budija quena. ²²Gãjerãre moa ĩsi ñarã Jesure mua boca ãmija, mua mũjũ josa meje ña mua adocãta. Cristo ñami mua mũjũ adocãta, ito yicõri ĩre moa ĩsirã ña mua ĩja. Gãjerãre moa ĩsirã meje mua ñaja, Cristore boca ãmicõri, adocãta Cristore moa ĩsirã ña mua ĩja. ²³Ī ñarã mani ñatoni waja rũcurisena manire waja yi ĩsiñi Dios. Ī sigũti ñami mani mũjũ. Ito bajiri adocãta ĩre moa ĩsia mani. Ī ãmoro bajiro riti yirũja manire. Adi macãrũcũro ñeñaro yire mani yitoni gãjerã ĩna yi codebojaja ĩnare cudibitirũja manire. ²⁴Tũoya yũ ñarã mua. Cristore boca ãmicõri, mani ñasuoado bajiroti mani ñaja quena. Ito yicõri Diore mani tũorũnũsotija quena.

²⁵“Manũjũ mana, manajo manare cuni, ado bajiro rotiami mani mũjũ”, yire ma yũre. Ito bajijobarocati yũ tuoĩarise mũare gotigũ ya yũ. Yũre ti maicõri ĩ cũrũ ñari busia yũ. Ito bajiri yũre mua tũorũnũja quena. ²⁶Ado bajiro tuoĩa yũ: “Adi rũmũri ñare gaye josari ña. Ito bajiri mua manajo mana mua ñado bajiroti ñaja quena”, yi tuoĩa yũ. ²⁷“Mua manajo cuticãrã jidicãre ma ĩja. Mua manajo mana ñarã ãmabeja quena”, ya yũ mũare. ²⁸Ito bajiro yũ yibobarocati, sigũ mũmũgũ ĩ manajo cuti ãmoja, ito yicõri romio cuni iso manũjũ cuti ãmoja, ĩna manũjũ cutija ñeñaro yirã meje yama ĩna. Manajo cutirã bũto oca ña codero bajiro usirioro bũjarã yirãji. Iti mũare bajibe yirocũ iti mũare goti camota yũ. Adi rũmũri josari ña manire. Ito bajiri manajo cuticõri, manũjũ cuticõri bũto busa josari ñaro yiroja mũare.

²⁹Tũoya yũ ñarã mua. “Nocõ mejeti rũya manire”, yirocũ iti mũare gotia yũ. Mua manajo cutirã, manajo mana bajiro Diore moa ĩsiña.

³⁰Mua godago ecoana, godago ecobitiana bajiro ĩre moa ĩsiña. Mua basa ñarã, basamena bajiro Diore moa ĩsiña. Mua gajeoni bũjarã, “Iti ña yũ ye”, yimenati Diore moa ĩsiña. ³¹Mua adi sitajũre queno bũjarã, queno bũjamena bajiro Diore moa ĩsiña. Adi sita gaye mani tirise jedi wajũ.

³²Tuoia usiriomenati mua ñare ãmoa yu. Sîgû manoyo macu mani Uju ye moarocu, tuoïagû yiguïji î. Mani Uju î wanutoni tuoïagû yiguïji î. ³³Manoyo cutigu î manoyo queno ñatoni adi sita gayere tuoïagû yiguïji. Ito yicõri î manoyo wanutoni tuoia usiriogu yiguïji. ³⁴Diore moa ïsire, manojore moa ïsire juaji tuoïare gaye ñaroja ïre. Manuju cutigo, manuju maco cuni ito bajiroti bajirãji ïna cuni. Manuju maco ito bajiroti mani Ujure moa ïsiroco tuoia usiriogo yigõji. “Yu ya rujuna, yu ya usina cuni Diore moa ïsigõ yigoja yu”, yi tuoïagõ yigõji iso. Manuju cutigoama iso manuju queno ñatoni adi ñmuari gayere tuoia usiriogo yigõji. Ito yicõri iso manuju wanutoni tuoia usiriogo yigõji.

³⁵Muare rëorocu meje iti gotia yu. Mua queno ñatoni itire gotia yu. Mua queno yi ñare ãmoa yu. “Mani Uju Jesucristore riti moa ïsigû yiguja yu”, yi mua rucubwore ãmoa yu.

³⁶“Yu manoyo ñaroco bucucacoamo ïja. Butoguti isore ãmocõa yu. Ito bajiri ñemecuti masibebe yu”, yi tuoïacõri sîgû î manoyo cutija quena. Ito bajiro î ãmogõre î manoyo cutija, ñeñaro yigu meje yami î. ³⁷Gãjiama, “Manoyo macu ñagû yiguja yu”, yi tuoïacõri î tuoïaro bajiro î manoyo cutibeja quena. “Manoyo macu ñabojaguti ñemecuti masia yu”, î ya usiju î yi tuoia masija, manoyo macu î ñaja quenaña ïocûre. ³⁸Sîgû ito bajiro buto î ãmogõre î manoyo cutija queno yami. Ito bajibojarocati gãjiama î manoyo cutibeja queno busa yami î.

³⁹Sîgõ manuju cuticãro, manuju î catiroca riti gãji rãca manuju cutire ma isore. Iso manuju godagoja, gãji iso ãmogû rãca iso manuju cutija quena ña. Gãji Jesure masigû rãca iso manuju cutija quena. ⁴⁰Ito bajibojarocati mucana tãdi iso manuju cuti ãmobeja, “Buto busa wanugõ yigõji iso”, yi tuoia yu. “Espiritu Santo yure î ejabuajare, ito bajiro busia yu”, yi tuoia yu.

Ïna meni rujeoanare ecare gaye

8 ¹Ïna meni rujeoanare rucubwora waibucurã siãcõri ecare gaye muare busigu ya yu adocãta. “Itire mani baja, quena ña. Ñeñaro yibebe mani”, yi masi jedirãji mua. Ito bajibojarocati, “Gãjerã rëtoro masirã ña gua”, mua yibojaja, masirã meje ña mua. Gãmeri mani ti maija itijua ña ñasarise. Gãmeri mani ti maija, gãmeri tuoia oca sëoroca yirãji mani. ²“Queno masigû ña yu”, sîgû î yibojaja, queno masigû meje ñami ïocû. Ï masiriseonijware masibebe î. ³No Diore ti maigûre, ïre ti masicõri ïre maigû yiguïji Dios.

⁴Ïna meni rujeoanare waibucu siãcõri ïna ecare gaye muare busigu ya yu. “Masa ïna meni rujeoana ñasarã meje ñama”, yi tuoia mani. “Dios sîgûti ñami ñasagu”, yi tuoia mani. ⁵Adi sita gãna Diore masimena ïna gotija, “Ûmacuju, jacaju cuni mani rucubwورونا ñama ïna. Jãjarã ñarãji mani rucubwورونا, mani çjarã”, yi tuoïabojama Diore masimena. ⁶Ito bajiro ïna yi tuoïabojarocati, jãjarã meje ñama mani rucubwورونا. Dios mani Jacu sîgûti ñami mani rucubwosarocu. Ïti ñami jeyarore rujeoru. Ïre moa ïsirona ña mani. Sîgû ñami mani Uju. Ï ñami Jesucristo. Ïna suoriti jeyaro ña. “Mani cuni ïna suoriti ña”, yi tuoia mani.

7 Ito bajiro mani yi tuoĩabojarocati gãjerã Jesure masirã ñabojarãti masimenaji iti gayere. Jesure ñna masiroto riojua ñna meni rujeoanare rũcũbuorã ñayijarã ñna maji. Ito bajiri, “Masa ñna meni rujeorure bare ñna ecare mani baja, quenabetoja manire, ñeñaro ya mani”, yi tuoĩarãji ñna. Ito bajiro tuoĩabojarãti ñna baja, tuoĩa oca sẽomena yirãji ñna. Ito yicõri queno Diore cudimenaji ñna. 8 Mani baja, mani babeja cuni ñasarise meje ña iti Dios i tija. “Itire mani babeja, manire ti wanũgũ yiguĩji Dios”, yire ma. Ito yicõri, “Itire mani baja, manire ti wanũbicũ yiguĩji Dios”, yire cuni ma. 9 “Mani baja, mani babeja cuni no yibea”, yi masibojarãti mani baroto riojua queno tuoĩaja quena. Itire mani baja ticõri, “Diore masibojarãti queno cudibeama ñna”, yi tuoĩagũ yiguĩji Jesure tuorũnũsũogũ gajea. Ito bajiro tuoĩa wisacõri Jesure tuoĩa jidicãgũ yiguĩji. 10 Ado bajiro rẽtaroja gajea. Sĩgũ Jesure tuorũnũsũogũ ñna meni rujeorure ñna ecare mani baja tigũ yiguĩji gajea. Itire mani baja, “Quena ña. No yibea”, yi tuoĩa mani. Ito bajibojarocati ijũama masibiquĩji itire. Mani baja ticõri, “Yũ baja quenabetoja”, yi tuoĩabojagũti bagũ yiguĩji i cuni. 11 “Rẽore ma”, yi masibojarãti mani baja, Jesure tuorũnũsũogũ i tuoĩa jidicãroca yirã yirãji gajea mani. Ire yari cuni goda ñsiñi Cristo. Mani baja ticõri, Jesucristore jidicãgũ yiguĩji. Ito bajiri, “Rẽore ma”, yi masibojarãti babitirũja manire. 12 Itire mani baja ticõri, sũgũ Jesure tuorũnũsũogũre i tuoĩa wisaroca yirãji mani. Ito bajiro mani yija ire riti meje ñeñaro ya mani. Cristore cuni ñeñaro yirã ya mani. 13 Ito bajiri waibũcũ yũ baja ticõri sũgũ Jesure tuorũnũsũogũ i tuoĩa wisaroca yũ yija, waibũcũ ri babitirũja yure. Jesure i tuoĩa jidicãroca yibe yirocũ itire babitirũja yure.

Jesucristo i cũana ñari, “Ado bajiro yiana mani”, ñna yire gaye


9 1 Yũ ãmoro bajiro yi masibojagũti Jesucristo ãmoro bajiro cudirocũ ña yũ. I oca yũ goti ucutoni yure cũni Dios. Ire moa ñsigũ mũare riasocũ yũ. “Pablo i riasorisere tuocõri, Jesure tuorũnũsũocũ mani”, yi tuoĩarãji mũa. 2 “Jesús i cũrũ meje ñami Pablo”, yirã yirãji gajea gãjerã. Yũ riasorisere tuocõri Jesure tuorũnũcũ mũa. Ito bajiri itina, “Jesús i cũrũ ñami Pablo”, yi tuoĩarã yirãji mũa.

3 “Jesús i cũrũ meje ñami Pablo”, ñna yija, ado bajiro cudia yũ. 4 Jesús i cũrũ ña yũ. Ito bajiri yũ riasore waja yure ñna ecaja, yure ñna ioja cuni boca ãmire ña yure. 5 Gãjerã Jesús i cũana masare riaso ucurã ñna waja, ñna manojosãromia rãca wa ucuama. Ito bajiroti ñna manojosãromia rãca riaso ucurã wama Jesús ocabaji mesa, ito yicõri Pedro cuni. Ñna manajo cutiadi bajiroti sũgõ Jesure tuorũnũgõ rãca yũ manajo cuti ãmoja, manajo cuti masia yũ cuni. 6 Jesucristo oca goti ucuri masa ñna ñna masitoni jeyaro ejabua mũa ñnareama. “Bernabé, Pablo rãca Jesucristo oca goti ucurã ñna ñna masitoni ñna moaja quena”, ¿yi tuoĩati mũa guareama? 7 Gãjerãre moa ñsirã ñari waja bujarã yirãji surara. Rocati ñnarena yirãji. Uyẽ otegu ito ricare bagũ yiguĩji. Oveja coderi masũ cuni ñna ya õjegõa bijecõri idigu yiguĩji i. 8 Ito yũ

gotirise, “Í t̃uoĩarise busiami Pablo”, ¿yi t̃uoĩati mua yure? Bajibeá. Ito bajiroti gotia Moisés ñayoru í rotire cuni. ⁹Dios rotirise ucagu ado bajiro ucañi Moisés ñayoru: “Ta wecu trigo ajere í wi cuda codaja, ‘Bajaro í cuni jabeto’, yirona í ya rise sia biabesa”, yi gotia Dios oca tuti. Ta wecu í batoni t̃uoĩa usirioyu meje itire yiñi Dios. ¹⁰Gua í oca riaso ucurãre t̃uoĩacõri ito bajiro gotiñi Dios. Guare masa ejabuatoní itire gotiñi í. Weseca moagũ, trigo ajeri codagu cuni, “Ito bajiro bujagu yiguja yu”, yi t̃uoĩa wanucõri moama ña. ¹¹Dios oca muare riasosuorã, wesecayu oterã bajiro moacu gua. ¿Weseca oteri masa ña bujado bajiro muare gua bujaja, no bajirojada? ¿Gua riasore waja guare mua ejabuaja, no bajirojada? ¹²Gãjerã Dios oca muare riasoanare ña ñatoni ña ãmorise isiyija mua. Ñare mua isija, gua muare riasosuonajuare queno busa mua isija quena. “Muare riasocu gua. Ito bajiri gua ñatoni gua bojoro bujarise isina”, yi t̃uoĩabojarãti muare senibiticu gua.

Ado robojua bajicu gua. Guare bare manija, yutabujuri manija, riojoti ñemecuticu gua. “Cristo oca mani riasoroca ñare mani senija, í ocare boca ãmimenaji ña”, yi t̃uoĩacõri muare senibiticu gua. Riojoti ñemecuticu gua. ¹³Judio masa ña minijuara wi ña moaja iti wi gayeti bocatirãji. Ado bajiro bajia iti. Diore rucuborona ña menira casabo waibucurã siacõri ña soeriseti bama itiju moari masa. Itire masia mua. ¹⁴Ito bajiroti bajia Cristo oca riasorãre cuni. Ña riasore waja ña riasoana ñare ejabuaja quena. Ito bajiro rotiñi mani Uju Cristo. ¹⁵Muare seni masibojaguti coji muare senibiticu yu. Adi yu muare ucarise cuni yure mua isitoni meje uca yu. Ñiocõ goda wabojaguti muare senibicu yiguja yu. “Senibicuti masare riasocu yu”, yi t̃uoĩacõri wana yu.

¹⁶“Íre tuorũnrãre masogũ yiguiji Cristo”, yu yi masare riasoja, “Queno yigu ña yu”, yi t̃uoĩabea yu. Ito bajiro yu goti ucutoni yure cuni Jesucristo. Masare í oca yu riasobeja, quenabeto rãtarõja yure. Iti yu



(1 Corintios 9.9)

riasobeja, wanabicu yigujá yu. ¹⁷Waja bujarocu yu riasoja, “Waja bujagu yigujá yu”, yibogujá yu. Ito bajiro meje baja. Yu tuoiarise meje riasoa yu. Dios í yure cúado bajiroti riasoa yu. ¹⁸Ado robojua baja yu waja bujarise. Masare waja senibicúti, “Íre tuorúnuräre masogü yiguíji Dios”, yi riasoa yu. Waja bujarocu meje í ocare riasoa yu. Itire masicóri wana yu. Iti ña yu bujarise. “Mware yu riasore waja yure ma isa quena”, yi masibojaguti mware senibiticu yu.

¹⁹Gajire moa isiri masu meje ña yu. Ito bajibojarocati ma jeyarore moa isigü bajiro ña yu. Jajarä busa Jesucristore tuorúnujaro, yirocu ito bajiro moa yu. ²⁰Judio masa räca yu ñaja, inare bajiroti ña yu cuni. Jesure ina tuorúnure amogü ito bajiro ya yu. Moisés ñayoru rotire cudirä räca yu ñaja, ina robo bajiroti ña yu. Itire cudibitirocu ñabojaguti Jesure ina tuorúnure amogü ina bajiroti ña yu. ²¹Gajerä Moisés ñayoru rotire cudimena räca yu ñaja, ina bajiroti ña yu. Ito bajibojarocati, “Dios í rotire cudigu meje ña yu”, yibea yu inare. Jesure ina tuorúnure amogü ito bajiroti ya yu. Cristore cudigu ñari Dios í rotire ña yu cudiroti. ²²Jesucristore tuorúnusurä räca yu ñaja, ina bajiroti ña yu. Ito bajiro ya yu buto busa Jesucristore ina tuorúnutoni. No masa räca yu ñaja, ina räca gagu bajiro ya yu. Ito bajiro ya yu, “Íre tuorúnuräre masogü yiguíji Cristo”, yi yu riasore tuocóri Cristore ina boca amitoni. ²³“Íre tuorúnuräre masogü yiguíji Cristo”, yire gaye masa ina tuo jeditoni iti gayere moa yu. Jesucristore boca amicóri masa ina wanure ti amogü itire moa yu.

²⁴Masa ina umaquedija, sigü ruyabeto umaquedicä. Ito bajibojarocati sigüti ñaquí ejasugü. Í ñaquí ejasure waja, waja bujagu. Itire masia ma. Cajero ejasurocu í umaquedisuado bajiro Diore queno moa isina ma. Dios tu bujarona ire queno moa isina ma.

²⁵No cajero umaquedi retocü amorä dise ina ya rujuri ñeñorise gayere reoama ina. Ito bajiro josari moama ina ju suara bedo nocö mejeti jogari bedore bujarona. Maniama jogabiti gayere bujarona buto Diore moa isia. ²⁶“Ado bajiro yu yire amoguíji Dios”, yi tuoia masicóri, Diore moa isia yu. Sigü rocati í roca wuebojaro bajiro meje ya yu. “Ado bajiro amoguíji Dios”, yi masibiticóri meje ire moa isia yu. ²⁷Ado robojua baja. Diore moa isi amogü ñari, yu amorise meje ya yu. Yu ya rujü ñeñaro iti tuoibojarocati ito bajiro yibea yu. Yu ya rujure reocóri Diore riti moa isia yu. Ito bajiro yu ya rujure yu reobeja, masare Dios oca riasoru yu ñabojarocati, “Queno yicu ma”, yi boca amibiquíji Dios yure.



(1 Corintios 9.25)

Masa ñna meni rujeorure rúcubuoobesa, yire gaye

10 ¹Tuoya yu ñarã mua. Mani ñicusabatiare ñna wa masi jeditioni ide buerina ñnare ñoyiju Dios. Riaca jajosa Ide Sũarise wame cutirisa ñna jẽa masi jediroca yiyiju Dios. Itire tuoĩa acabojabesa mua. ²Moisés ñayorure tuorũnucõri ide buerire suya wayijarã ñna. Ito yicõri riaca jajosa jẽayijarã ñna. Moisés ñayorure tuorũnucõri ñre suya jediyijarã ñna. ³Umacũju gaye maná wame cutirise Dios ñ queore ba jediyijarã ñna. ⁴Ñna idi catitoni gũtagã ide budiroca yiyiju Dios. Iti gũtana suoriti meje catiyijarã ñna. Cristo ñnare tirũnũjare catiyijarã ñna. No ñna waroti ñnare tirũnũsotiyiju Cristo. ⁵Ito bajibojarocati ñna jãjarã Diore cãdibisijarã. Ñna cãdibeja ticõri, ñnare wanũbisiju Dios. Ito bajiri Diore ñna cãdibitire waja yucũ manojũ goda jediyijarã ñna.

⁶“‘Ito bajiro rẽtayiju ñnare’, yi masibojarãti mani ñẽnarõ yi ãmoja, ito bajiroti rẽtarõja manire cuni”, mani yi tuo gũija quena. ⁷Ito bajiri ñna meni rujeoana ñna rúcubuoado bajiro rúcubuoobesa mua. Jeyaro ñnare bajigore gaye Dios oca tuti iti gotija, ado bajiro gotia: “Ba rujiyijarã. Ito yicõri jiarise idiyijarã ñna. Ito yicõri ñna meni rujeorure rúcubuoõrona basayijarã ñna”, yi gotia Dios oca tuti. ⁸Rocati romiare ñna ajeado bajiro yibitirũja manire. Ito bajiro ñẽnarõ yicõri veintitrẽs mil ñarã co rumuti goda jediyijarã ñna. ⁹“Mani ñẽnarõ yibojarocati manire waja senibiquĩji Dios”, yi mani ñicusabatia ñna yibojado bajiro yibitirũja manire. Ito bajiro ñẽnarõ yicõri ãña ocana jãjarã godayijarã ñna. ¹⁰Diore ñna busitu ñnado bajiro yibitirũja manire. Ito bajiro ñna yijare, sigũ ángel jãjarãre ñ sĩa batetoni cõayiju Dios.

¹¹Jeyaro mani ñicusabatiare rẽtagore oca ña jedia Dios oca tutiju. Mani Jesús ñ ejarotire tuoĩa yurã, mani tiroti ña iti oca. Ñnare bajiro ñẽnarõ mani yibititoni, Dios oca tutiju ña iti oca. Ñnare bajiro mani yija, tõbũjarã yirãji mani cuni. ¹²No “Ñẽnarõ yibicũja yu”, yi tuoĩabojaguti, ñẽnarõ yigu yiguĩji gajea. Ito bajiri ñẽnarõ yibe yirocũ queno ñ tuoĩaja quena. ¹³Manire riti mani ñẽnarõ yitoni meje usirioro yi codeami rũmũa uju. Mani riojua gãnare cuni, masa jeyarore cuni usirioro yi codeami ñ. Manire ñ usirioro yi codebojarocati, mani ñẽnarõ yibititoni Diore mani tuorũnũja, manire ejabuagu yiguĩji ñ. “Mua ñẽnarõ yibititoni muare ejabuagu yiguĩja yu”, Dios ñ yiado bajiroti manire ejabuagu yiguĩji ñ. Rũmũa uju Satanás bũto usirioro manire ñẽnarõ ñ yi rotibojarocati, Diore mani tuorũnũja, itire mani ñemecũtiroca yigu yiguĩji Dios manire. Mani ñẽnarõ yi ãmorise mani yibititoni manire ejabuagu yiguĩji Dios.

¹⁴Ito bajiri yu ñarã mua, ñna meni rujeorure rúcubuoobesa mua. ¹⁵Yu busirisere tuo masirã ña mua. “Riti gotiami Pablo”, yi tuoĩarã ña mua. ¹⁶“Queno ya Dios mu. Gũa ñẽnarõ yirise waja, waja yi ñsirocure mu Macũ Cristore cõayija mu”, yicõri uyẽ ide bato idia mani. Itire tuoĩarã, “Yucũtẽõju manire yiari goda ñsiñi Cristo”, yi tuoĩa jedia mani. Cristo ya rujure tuoĩarã, najure bato ba mani. “Yucũtẽõju manire yiari goda ñsiñi Cristo”, yi tuoĩa jedicõri bato ba mani.

17 Jājarā ñabojarāti sīgũre bajiro riti tuoīarā ña mani. Jesure tuoīarā najuro corona bato ba mani. Ito bajiro yicōri Cristore riti tuorũnaa mani. Sīgũre bajiro riti tuoīarā ña mani. Ito bajiri jājarā ñabojarāti co ruju robo bajiro bajirā ña mani.

18 Israel sita gānare tuoīate mua. Īna ñeñaro yirise waja, waja yirona waibucu ri soerāji ĩna Diore rucubuoarā. Sīgũre bajiro riti tuoīacōri ĩna soe ĩsirere barāji ĩna. 19 “Masa ĩna meni rujeorure rucubuoja quena ña”, yirocu meje ya yu itire. Ito yicōri, “Īna meni rujeorure waibucu ri ĩsire gaje waibucu ri rētoro ñasarise ña”, yirocu meje ya yu itire. 20 Ado bajirojua muare yirocu ya yu: Diore masimena ĩna meni rujeorure ĩna ecaja, Diore ecarā meje yama ĩna. Rũmũare ecarā yama ĩna. Ito bajiri ĩna rāca baba cuticōri mua baja rũmũare rucubuoarā bajiro yirāji mua. Ito bajiro mua yire āmobeja yu. 21 Rũmũare mani cudija, Jesús mani Ũjũre cudirā meje ña mani. Ito bajiro mani yija, Jesure tuoīarā idisusare gaye uyé ide idibitiruja manire. Ito yicōri Jesure tuoīarā basusare gaye babitiruja manire.

22 “Yu ñarā ñabojarāti rũmũare cudiana ĩna”, Jesús ĩ yĭ junisiroca yibitiruja manire. ĩ rētoro masirā meje ña mani.

Mani gāmeri ti maija quena, yire gaye

23 “Dios ĩ rēobeja mani āmoro bajiro mani yija quena”, yĭ tuoīama gājerā. Ito bajiro ĩna yĭ tuoīabojarocati ado bajirojua ya yuama. Jeyaro mani yĭ āmoro bajiro mani yĭbojarocati queno ejabũabetoja manire. Mani āmoro bajiro mani yija, Jesure tuorũnũsuogu ĩ tuorũnu jidicāroca yirā yirāji gajea mani. 24 Mani queno ñaroti gaye riti tuoīabitiruja manire. Gājerā ĩna queno ñatoni, ĩnare ejabũarona tuoīaruja manire. Jesure tuorũnu jidicābitijaro ĩna, yirona tuoīaruja manire.

25 Waibucu ri ĩna ĩsiriju waja yicōri mua baja quena. “¿Īna meni rujeorure ecagore meje ñati adi?” yĭ seniābesa. Riojoti waja yicōri mua baja quena. 26 Adi sita gaye jeyaro Dios ĩ rujeore ña. Ito bajiri disejua ruyabeto ĩ ye riti ña. ĩ rujeore iti ñajare, mani baja quena.

27 Sīgũ Jesure tuorũnũgũ meje ñagũ, “Yu tu barā waya”, ĩ yija, ĩ ecaro bajiroti baja quena. “¿Īna meni rujeorure ĩna ecagore meje ñati?” yĭ seniāamenati baja quena. 28 Gāji itire ba güigu, “Īna meni rujeorure ĩna ecagore ña adi”, ĩ yĭ goti masioja, babeja itire. Itire mua baja ticōri, ĩ tuoīariseju tuoīa bujatobicu yiguĭji ĩ. “Ñeñaro yama ĩna”, yĭ tuoīacōri bujatobicu yuguĭji. Ito bajiri Jesure ĩ jidicāme yirona, babeja itire. 29 “Jeyaro waibucu ri mani baja quena ña”, yĭ tuoīabojarāti, “Īti gaye mani baja quenabea”, gājerā ĩna yĭ tuoīarisere babitiruja manire.

Mua coriarā ado bajiro yirā yirāji gajea: “Itire baja quenabea”, gājerā ĩna yĭ tuoīabojarocati, ĩtĭre ba jidicāgũ yĭgũjada yu? yĭ tuoīarāji mua coriarā. 30 Gaje ado bajiro yirāji mua: Yu baroto riojua, “Queno ya Dios mu”, yu yĭbojarocati gājerā, “Babitiruja muare”, yĭ codebitiruja ĩnare, yirāji mua. 31 Ado robojua baja: No mani bariseti, mani idirise, mani moarise cuni Diore masa ĩna rucubuoaroca yiruja manire. 32 Gājerā ĩna ñeñaro yĭ āmoroca yibe yirona, quenarise riti yiruja manire. Judio masa, judio masa meje cuni Jesure tuorũnũrāre cuni ĩna ñeñaro yĭ āmoroca yibitiruja manire. 33 Yuama ado bajiro tuoīa yu: Jeyaro yu yirise

masa ñna ti wanu jedire ãmoa yu. Sigũti queno yu ñaroti gayere tuoĩabea yu. Jesure ñna tuorũnũre ãmogũ ñna queno ñaroti gayejũare tuoĩa yu. Jeame ãjũroju ñna wabore ñaroca ñnare Dios masore ãmoa yu.

11 ¹Cristo ñ yiado bajiroti ya yu cuni. Ito bajiri yu yiro bajiroti yiya mua cuni.

Mani minijuaja romia ado bajiro ñna yija quena, yire gaye

²Tũoya yu ñarã mua. Mũare yu riasocatire yiro robo yirã ña mua. Ito bajiri yũre mua ãcabojebajare mũare queno wanua yu. ³Gaje mua tuo masire ãmoa yu. Ado bajiro baja iti. Manojõ cutigu ñ manojõ rijoga ñami ãmũgũ. Mani ãmua rijoga ñami Cristo. Ito bajiroti Cristo rijoga ñami Dios. ⁴Sigũ minijuara wijũ ñ ya rijoga buagu Diore ñ senija, Dios oca ñ busija cuni, Diore rucubũobicu bajiro yami iocũ. ⁵Minijuara wijũ sigõ rijoga buabeco Diore iso senija, Dios oca iso riasoja cuni, iso manujure rucubũobeco bajiro yamo iso. Rijoga iso buabeja, joa suagoro bajiro bajigõji iso. ⁶Sigõ iso rijoga bua ãmobeja, cojisiti joa sua jeocõja quena isoocõreama. “Rijoga joa suagoja bojo ña yu”, yi iso tuoĩaja, rijoga iso buaja quena. ⁷Mani ãmũare minijuara wijũ rijoga buare ma manire. Ñ robo bajigu manire rujeoñi Dios. Manimasi gãmeri ticõri, “Queno masigũ ñami Dios”, yi tuoĩa mani. Ito bajiri ñre wanucõri ñre rucubũoa mani. Romiama mani ãmũare rucubũorã ñama. Ito bajiri, “Ãmũare rucubũoa gũ”, yirona rijoga ñna buaja quena. ⁸Ado robojua baja: ãmũgũre rujeogu romio ya gõana meje rujeoyiju Dios. Romiare rujeogu ãmũgũ ya gõana rujeoyiju. ⁹Romiore ejabũarocure meje ãmũgũre rujeoñi Dios. ãmũgũjũare ejabũarocore romiore rujeoñi Dios. ¹⁰Ito bajiri, “Yũre ãmatã ñagũ ñari yu ya rijoga bajiro bajigu ñami yu manujũ”, yiroco iso ya rijoga buaja quena romiore. Ito bajiro ñna yija ticõri, ñnare ti wanurã yirãji ángel mesa. ¹¹Ãmua cuni, romia cuni ñna ñare ãmoñi Dios. Romia ñna manija, queno ña masimenaji ãmua. Romia ito bajiroti ãmua ñna manija, queno ña masimenaji romia. Ito bajiri mani Jesús ñarã, “Ñe waja mama ãmua, ñe waja mama romia”, yire ma manire. ¹²Ado robojua baja: ãmũgũ ya gõana romiore rujeoñi Dios. Ito bajibojarocati romiana rujeana ñama ãmua. Mani ãmua, romia cuni Dios ñ rujeoana riti ña mani. ¹³Adi mũare yu gotirise queno tuoĩaña mua. Minijuara wijũ rijoga buabecoti, ¿Diore iso senija quenati? Quenabea. ¹⁴“Ãmua joa yoarise ñna ãmaja, bojorise ña”, yi tuoĩa jedia mani. ¹⁵Romiareama joa yoarise ñna ãmaja, queno ti wanua mani. Joa yoarise iso ãmaja, iso ya rijoga buago bajiro yamo iso. ¹⁶Sigũ adi yu gotirisere ñ tuoĩa busi ãmoja, ado bajiro ñre gotija quena: “Gũa, gãjerã Jesure tuorũnũrã cuni, ito bajiro riti yisotia gũ”, yi gotija quena ñre.

Jesús ñ basusare gaye barã queno ñna yibitire gaye

¹⁷Adocãta mũare yu ucarise, mũare wanugũ meje uca yu. Jesús basusare gaye minijua barona queno yibea mua. Mani Uju ñ basusare gayere ñeñoa mua. ¹⁸“Ñna minijuaja, ricati riti tuoĩama”, yire gaye tuo yu mũare. “Riti bajiroja”, yi tuoĩa yu itire. ¹⁹“Mani tuoĩa busija, ñnati ñama Jesure tuorũnũsarã”, yi tuoĩarã yirãji

gãjerã manire”, yi tũoĩa busiboja mua. ²⁰Ricati riti tũoĩa busicõri, Jesús basusare gaye mua minijua baja, mani Ujũre rũcubũorã meje yirãji mua. ²¹Barajũ iti ejaroca mua ãmoro bajiroti ba ãmorãji mua yajirona. Cocati bare bato bamenaji mua. Ito bajiro mua yija, gãjerã ñiocõrãji. Gãjerãma idi mecurãji ina. ²²Wiri cutirã ña mua. Mua ya wirijũ mua ba, idi, yija quena. Ito bajiro queno mua yibeja, Jesús basusare gaye barã gãjerã queno ba bũjamena, bũjato ina bũjaroca ya mua. Ito bajiro mua yija gãjerã Jesure tuorũnũrãre ti tudirã bajiro ya mua. “Queno ya mua”, ¿yigũti yũ mũare? Meje yi ãmobeja yũ. Mũare wanũbeja yũ.

Mani Ujũ ĩ basusare gaye

(Mt 26.26-29; Mr 14.22-25; Lc 22.14-20)

²³Adi mũare yũ riasorise mani Ujũ ĩ basusare gaye mũare yũ riaso masitoni yũ masiroca yiĩni ĩ. Ado bajiro bajia: Mani Ujũre ĩ wajana ñiatoni Judas ĩ gotira ñami, ĩ ya ãmona naju ãmi rũcoyijũ Jesús. ²⁴Ãmi rũcocõri, “Queno ya Dios mũ”, yiyijũ ĩ. Igata batocõri ado bajiro yiyijũ ĩ, ĩ rãca riasotirãre: “Īmo baya. Adi ña yũ ya ruju robo bajiro bajirise. Mũare yiari goda ĩsigũ yigũja yũ. Yũ godaja bero yũ mũare ĩogore tũoĩacõri yũre rũcubũorã ado bajiroti minijua basotiba”, yiyijũ Jesús ĩ rãca riasotirãre. ²⁵Ĩna baja bero uyé ide tẽro ãmi rũcoyijũ Jesús. Ito yicõri ado bajiro ĩnare gotiyijũ ĩ: “Īmo idiya. Mũare yiari yũ ya rĩ budiro yiroja yũre. Yũ ya rĩna suoriti, ‘Ado bajiro masare queno yigũ yigũja yũ’, Dios ĩ yiado bajiroti ñasũoro yiroja ĩja. Yũ godaja bero yũ mũare ĩogore tũoĩacõri, yũre rũcubũorã ado bajiroti minijua idisotiba”, yiyijũ Jesús ĩ rãca riasotirãre. ²⁶Mani Ujũ ĩ rotiado bajiroti mani baja, mani idija cũni, “Manire yiari goda ĩsiĩni Cristo”, yirona ito bajiro basotia mani. Mani Ujũ ĩ ejarocajũ ito bajiro yisusarã yirãji mani.

Mani Ujũ ĩ basusare gaye mani baja, ado bajiro mani baja quena, yire gaye

²⁷Ado robojua bajia: No Diore rũcubũobicũti rocati mani Ujũ ĩ basusare gaye ĩ baja, ĩ idija cũni ñeñaro yigũ yigũji ĩocũ. Ito bajiro ĩ yija, “Ñe waja ma Jesús ya ruju, ĩ ya rĩ cũni”, yigũre bajiro yami ĩocũ. No ito bajiro yigũ seti cutigũ yigũji. ²⁸Ito bajiri mani Ujũ ĩ basusare gaye ba ãmorã, mani baroto riojua, mani idiroto riojua cũni ado bajiro mani yija quena: Mani ñeñaro yirise tũoĩa bojori bũjacõri Diore mani goti rẽtobuja quena. Ito bajiro mani yija bero mani Ujũ godare tũoĩacõri mani baja quena. ²⁹“Yũ ñeñaro yirisere yũre waja yi ĩsirocũ godaĩni Cristo”, yi mani tũoĩaja quena. Jesure tũoĩamenati rocati mani baja, mani tũbũjaroca yigũ yigũji Dios manire. ³⁰Ito bajiro rocati bacõri jãjarã ñarise cutia mua. Gãjerã wisia mua. Ito bajicõri gãjerã godaĩni ina. ³¹Mani baroto riojua queno mani tũoĩaja, mani tũbũjaroca yibicũ yigũji Dios. ³²Mani ñeñaro yirise waja mani tũbũjaroca Dios ĩ yija, mani queno yitoni ito bajiro yami ĩ. ĩre masimena jeame ĩjũroju wana rãca mani ware ãmobeami Dios. Ito bajiri ñeñaro mani yirisere jidicãtoni mani tũbũjaroca yami ĩ.

³³Ito bajiri Jesús ĩ basusare gaye barã wana mua minijua, sũgũ ruyabeto corocõ barona ejori mejeti baya yũ ñarã mua. ³⁴Mua ñiocõja, mua minijuaroto

riojua mua ya wiju baja quena. Ito bajiri minijuara wiju mua baja, jairo ba yajirona meje barã yirãji mua. “Ito bajiro mua yjare mua tõbujaroca yibicu yiguiji Dios”, yi gotia yu muare. Gaje oca ñarisere mua tu ejacõri quenogũ yiguja yu.

Jeyaro mani moa masitoni Espiritu Santo manire ï jidicãre gaye

12 ¹Queno tuoiaña yu ñarã mua. Ricati riti mani moa masi sosatoni Espiritu Santo ï cüre gaye mua masire ãmoa yu.

²“Jesure mani masiroto riojua mani meni rujeoana busimenare rücbuocua mani”, yi tuoiarãji mua. Gajero bajiro tuoiaõõri jãjarã mua meni rujeoanare rücbuobojayija mua maji. ³Ito bajiri, “Îna ñama Espiritu Santo rotirise meje busirã. Î ñami Espiritu Santo rotirise busigu”, mua yi tuoiare ãmoa yu. No Jesure busitugu, Espiritu Santo ï rotirise meje busiami ïocũ. No, “Rẽtoro masigũ ñami Jesús yu Uju”, yi busigu, Espiritu Santo rotirise busiami ïocũ.

⁴Diore mani moa ïsitoni, ricati riti mani moa masiroca yami Espiritu Santo. Ricati riti mani moa masiroca yibojaguti sigũti ñami Espiritu Santo. ⁵Ricati riti mani Ujũre moa ïsia mani. Ricati riti moabojarãti ï sigũreti moa ïsia mani. ⁶Ricati riti moare cũni Dios manire. Ito yicõri ï sigũti ñami mani moa masiroca yigu. ⁷Espiritu Santo quedi sãja ecoana ñari, Diore mani moa ïsi masiroca yami ï. Ito bajiri, “Espiritu Santo quedi sãja ecoru ña yu”, yi tuoia mani. Gãmeri mani ejabuatonu ricati riti moare cũni Espiritu Santo manire. ⁸Coriarã Espiritu Santona suoriti queno tuoiaõõri goti masiama ña. Gãjerã cuni Dios oca josarise gaye riasoticoõri goti masiama ña, Espiritu Santo ejabuarisena. ⁹“Yu seniro bajiroti cudigu yiguiji Dios”, gãjerã ña queno tuorũnũroca yami Espiritu Santo. Cõrãre ña yisio masiroca yami Espiritu Santo gãjerãre. ¹⁰Tiyamani ña ïo masiroca yami Espiritu Santo gãjerãre. Gãjerãre Dios oca ña goti masiroca yami Espiritu Santo. “Î ñami Espiritu Santo rotirise busigu. Îna ñama Espiritu Santo rotirise meje busirã”, ña yi masiroca yami Espiritu Santo gãjerãre. Îna busi masibiti oca ñabojareti ña busi masiroca yami Espiritu Santo gãjerãre. Iti gaye oca ña busigore ña rogoti masiroca yami Espiritu Santo gãjerãreama. ¹¹Ricati gaye riti manire moare cũru sigũti ñami Espiritu Santo. Î ãmoro bajiro riti ricati mani moa masiroca yami Espiritu Santo.

Co ruju bajiroti ruju cutirã ña mani, yire gaye

¹²Mani ya ruju jeyaro ñabojarocati co rujutu ña. Tite mua. ãmo, cajea, gãmoro, gũbo jaje ña mani ya ruju. Ito bajiro bajirã ña mani Jesucristore tuorũnũrã cuni. Jãjarã ñabojarãti Cristore riti tuorũnũrã ñari co ruju bajiro bajirã ña mani. Îre tuorũnũrã ñari gãmeri ejabua mani. ¹³Jeyaro ña mani. Tũote mua. Judio masa, judio masa meje cuni, gãjerãre moa ïsirã, gãjerãre moa ïsimena cuni ña mani. Jesucristore tuorũnũcõri idé gu roticu mani. Mani sigũ ruyabeto Espiritu Santo quedi sãja ecoana riti ña mani. Î sigũti ñami mani ya usiju quedi sãjaru. Ito bajiri ña suoriti co ruju bajiroti ruju cutia mani.

¹⁴Co ruju ñabojaroti jeyaro ña mani ya ruju. Coju gaye meje ña mani ya ruju. Jeyaro ña. ¹⁵Gũbo iti busija, “Ãmo meje ña yua, ito bajiri ruju gaye meje ña”, yibojarocati ruju gayeti ña. ¹⁶Gãmore iti busija, “Cajea meje ña yu, ito bajiri ruju gaye meje ña”, yibojarocati ruju gayeti ña iti. ¹⁷Mani ya ruju cajea bucugototi iti ñaja, çñena tuoboanada mani? Mani ya ruju gãmore bucugototi iti ñaja, çñena wĩjilboanada mani? ¹⁸Meje ado robojuã bajaia. Mani ya ruju iti ñaroto bajiroti ĩ ãmore bajiro rujeoñi Dios manire. ¹⁹Mani ya ruju coju gaye iti ñaja, jeyaro ñabitiboadoja. ²⁰Ado robojuã bajaia: Mani ya ruju jeyaro ñabojarocati co rujuiti ña. Ito bajiro bajirã ña mani Jesure tuorũnurã. Jãjarã ñabojarãti sigũre bajiro riti tuoĩacõri gãmeri ejabua mani.

²¹Mani ya cajea iti busija, “Ñe waja ma ãmo”, yi masibitiboadoja. Mani ya rijoga iti busija, “Ñe waja ma gũbori”, yi masibitiboadoja iti. ²²Ado robojuã bajaia: Mani ya ruju gaye, “Adi gaye queno waja ma yure”, mani yi tuoĩabojarocati ñasarise ña iti cuni. ²³Mani ya ruju gaye, “Adi gaye queno waja ma yure”, mani yibojarise cuni queno tirũnua mani. Gaje mani ya ruju gaye masa jeyarore mani ĩobiti yutabujuna sãña bia mani. ²⁴Gajejuri mani ya ruju bojobea mani. Ito bajiri itire buabea mani. Mani ya ruju ĩ ãmore bajiroti quenoñi Dios. Mani ya ruju gaye, “Ñasarise meje ña”, mani yirise itijua ña buto busa ñasarise. ²⁵Mani ya ruju jeyaro ñabojarocati corocõti ñasarise ña. Mani Jesure tuorũnurã ito bajiro bajirãti ña. Jãjarã ñabojarãti ñasarã riti ña mani. Ito bajiri wanure rãca gãmeri ejabua mani. ²⁶Mani ya ruju coju iti junija, ruju ñarocõti juni wisia. Mani ya ruju coju masa ña ti wanuja, mani ya ruju ñarocõreti wanujeacoa mani. Ito gaye robo bajiroti bajaia mani Jesure tuorũnurã cuni. Mani wato sigũ ĩ bojori bujaja, mani ñarocõti ĩ rãca bojori bujarãji mani. Ito yicõri sigũ mani wato ĩ wanu quenaja, mani ñarocõti wanu quenarãji mani.

²⁷Ado robojuã bajaia: Mani Jesure tuorũnurã ĩre moa ĩsirã ñari ĩ ya ruju robo bajirã ña mani. Mani sigũ ruyabeto ñasarã ña mani. Mani rãca gagu sigũ ĩ manija, ĩre godo cutia mani cocati Jesure moa ĩsirã ñari. ²⁸Mani Jesure tuorũnurã ñaja sigũ ruyabeto moare cũini Dios manire. Cajero mani coriarãre Jesús oca goti ucuronare cũini ĩ. Ito bero gãjerã ĩre goti ĩsironare cũini. Gãjerã ĩ oca riasoronare cũini. Gãjerãre tiyamani ña ĩortire cũini. Gãjerã cõrãre yisironare cũini. Gãjerã ejabuaronare cũini. Gãjerã tirũnuronare cũini. Ito bero gãjerã ña busi masibiti oca ñabojareti busi masironare cũini Dios. ²⁹Corocõti ĩre moa ĩsirona meje cũini Dios manire. Mani jeyaro Jesucristo oca gotirona ĩ cũana meje ña mani. Mani jeyaro Diore goti ĩsiri masa meje ña mani. Mani jeyaro ĩ oca riasori masa meje ña mani. Mani jeyaro tiyamani ĩori masa meje ña mani. ³⁰Mani jeyaro cõri masare yisiori masa meje ña mani. Mani jeyaro mani busi masibiti oca ñabojareti busi masirona meje ña mani. Mani jeyaro ña busija tuocõri, “Ado bajiro busiru ña”, yi masirã meje ña mani. Mani jeyaro ña busirisere rogoti masirã meje ña mani. ³¹“Ñasarise yu yiroca, Dios ĩ yire ãmoa yu”, yiruja mũare. Ito bajiro mũa yijama quena ña. Ito bajiro mũa yibojarocati adocãta buto ñasarisejuare mũare riasogu ya yu.

Gājerāre mani ti maija, iti ña ñasarise, yire gaye

13 ¹Co oca ruyabeto mani busi masibojarocati, ito yicōri ángel mesa oca mani busi masibojarocati, gājerāre mani ti maibeja, ñe waja mana ña mani. Gājerāre mani ti maibeja, jeyaro busirā ñabojarāti, rocati yucu toti iti busiro bajiroti, ito yicōri cometiro iti busiro bajiro, rocati oca godacoajū. Gājerāre ti maimenati mani busibojaja manire tuomenaji ña. ²Diore goti ñisiri masa ñabojarāti, ito yicōri goti rudire jeyaro masibojarāti, gājerāre mani ti maibeja, ñe waja mana ña mani. Jeyaro tuo masirā ñabojarāti, ito yicōri “Gūta yucūire cōo rügōña Dios mū, yu yija, ñaro bajiroti cudiguñi i”, yi tuoña masirā ñabojarāti, gājerāre mani ti maibeja, ñe waja mana ña mani. ³Mani rucorise ñarocōti batorā ñabojarāti, gājerāre mani ti maibeja ñe waja bujamenaji mani. “Yure ña soe amobojarocati Dios oca goti jidicābicuja yu”, yi tuoñarā ñabojarāti gājerāre mani ti maibeja ñe waja bujamenaji mani.

⁴Gājerāre mani ti maija, ado robojua bajirā yirāji mani: Gājerāre usirioro yimenaji mani. Gājerāre queno yirā yirāji mani. Gājerāre ti uomena yirāji mani. Gājerāre rucubhorā yirāji mani. “Gājerā rētoro ñasagū ña yu”, yimenaji mani. ⁵Mani queno ñaroti gaye riti tuoñamena yirāji mani. Gājerājuare ña queno ñaroti gaye tuoñarā yirāji mani. Gājerāre ti junisinimena yirāji mani. Gāji manire ñeñaro i yibojarocati yoari junisinimenaji mani. Itire acabojorā yirāji mani. ⁶Gāji i ñeñaro yija, ti wanūmenaji mani. Gāji i queno yijajua ñe ti wanūrā yirāji mani. ⁷Gājerāre mani ti maibojarocati ñeñaro manire ña yija, ñare ti mai jidicāmenaji mani. Ito yicōri ñare busitumenaji mani. ñare mani ti maija, ñare tuorūñarā yirāji mani. Gājerāre mani ti maibojarocati, manire ña ñeñaro yija, ñare usiriomenaji mani. Ito yicōri ñare ti mai jidicāmenaji mani.

⁸Gājerāre mani ti maija, ñare ti mai jidicāre ma manire. ñare ti maisotirā yirāji mani. Gājerāre mani ti mairise jedirise meje ña. Co rūmū Dios i manire moare cūre jediro yiroja. Iti rūmū iti ejaja Diore queno masirā yirāji mani. Ito bajiri ñe goti ñisire mano yiroja ija. Ito yicōri mani masibiti oca jeyaro mani busiroca yibicu yiguñi Dios. Gaje i oca josarisere mani goti masiroca yibicu yiguñi i ija. ⁹Ado robojua baja: Adocāta jeyaro Dios ye masi jeobea mani. Dios ocare goti jeo masibea mani. ¹⁰Ija co rūmū Dios gayere masi jeocōrā yirāji mani maji. Ito bajiri iti rūmū ejaroca i oca manire goti rētohuri masa mana yirāji ija. Manimasiti tuo masi jeocōrā yirāji.

¹¹Ado bajiro baja. Macñacā yu ñaja, macñacā oca busicu yu. Macñacā yu ñaja, macñacā robo riti tuoñacu yu. Macñacā yu ñaja, macñacā bajiro riti tuoña besecu yu. Busna wacu macñacā yu ñagore gaye jidicācu yu. ¹²Adocāta jeyaro Dios gayere tuo masi jeobea mani. Eoro queno ruyubeto bajiro Dios oca queno tuo masi jeobea mani. Ito bajibojarocati co rūmū Dios tu ejacōri i gayere tuo masi jeorā yirāji mani. Adocāta coriajuriti i oca masia mani. Ija co rūmū Dios i manire ti masi jeoado bajiroti i gaye tuo masi jeorā yirāji mani cñi.

¹³Udiaji gaye ña mani yisotiroti: Diore tuorũnusotiruja manire. “Dios ï yiro bajiroti yigũ yiguĩji”, yi tuoĩasotiruja manire. Ito yicõri gãjerãre ti maisotiruja manire. Iti udiaji gaye gãjerãre mani ti mairise iti ña ñasarise.

Oca masibitibojarãti gãjerã oca busire gaye

14 ¹Gãjerãre ti maisotiruja manire. Iti ña mani cudiroti ñasarise. Ìre mani moa ïsitoni Dios ï cũre gayere ãmoana mani. “Yure goti ïsiri masa ñama mua”, manire ï yire gaye, ãmoana mani. Iti cuni ñasarise ña. ²No gãjerã oca ï masibiti ï busija, Diore rucubuguti yami, ito bajiro ï yija. Ito bajiro ï busija, masa tuomenaji ïre. Ito bajiri ïnare meje busiguĩji ï. Diojuare busiguĩji. Ito bajiro ï busija Espĩritu Santo ejabuarisena busiguĩji ï. Ito yicõri gãjerã ïna tuoroti meje busiguĩji ï. ³Gãjiama Diore goti ïsigũ ï busija, masareti busiguĩji. Buto busa Diore ïna tuorũnutoni ito bajiro busiguĩji ï. Ìna tuoĩa oca seotoni ito yicõri ïna wanutoni ito bajiro busiguĩji ï. ⁴No gãjerã oca ï masibiti Diore ï busija, buto busa ïmasiti Diore masi waguĩji. Ito bajiro tuoyamani ï busija, tuobiticõri buto busa Diore masimenaji ïna ïja. Gãjiama Dios oca gotigu ïna tuorisena ï gotija tuocõri, gãjerã Jesure tuorũnrã buto busa ïna tuorũnroca yami ï.

⁵Sigũ ruyabeto gãjerã oca mua masibiti oca ñabojareti mua busija, quena ñaboroja yure. Ito bajibojarocati ï masibiti oca ñabojareti busigu rẽto busaro ñasarise moami Dios oca gotiri masũ. Ì masibiti oca ñabojare busigu ï busirise masa ïna tuo masitoni ï rogotija, ñasarise moami ï cuni. Ito bajiro ï yija Jesure masirã buto busa ïre ïna tuorũnũ waroca yami ï. Busi tiocõri ï rogotibejama tuo masimenaji ïna. ⁶Tuoya yũ ñarã mua. Mua tu ejaçõri mua tuobiti yũ busija, ñe waja ma. Ñejuã ejabuabetoja muare. Yũ masiroca Dios ï yirise muare yũ busija, muare ejabuaroja itiamã. Dios oca riojo ñasarise muare yũ riasoja, iti cuni muare ejabuaroja.

⁷Goti masiore ocana muare gotigu ya yũ: Sigũ tẽrora ï juti masibeja, “Iti basa menigũ yami”, yi masimenaji mani. Arpa wame cutirisena queno ï basa meni masibeja, “Iti gaye basa menigũ yami”, yi masimenaji mani. ⁸Surarare jigũ trompeta wame cutirica queno ï juti masibeja, gãjerã rãca gãmeri sãrona ña yucãmenaji ïna. “Wadirũ ïna”, yi masibiticõri ña yucãmenaji ïna. ⁹Iti bajiroti bajia, gãjerã oca mua masibiti mua busibojaja. Mua masibiti mua busija tuo masibiticõri, “Iti bajiro yireoni ña”, yi masimena yirãji gãjerã. Ito bajiro mua busibojaja, mino bajiroti godacoaro yiroja. ¹⁰Riti ña, adi macãrucũrore jaje oca busia mani. Mani busirisere tuorã yirãji gãjerã. ¹¹Ito bajibojarocati sigũ yũ tuobiti yure ï busibojaja jua duja gãmeri tuomenaji gua. Ìre tuo masibiticõri, “Gaje masũ ñaguĩji”, yi tuoĩagũ yiguja yũ. Yure tuo masibiticõri ito bajiroti tuoĩagũ yiguĩji ï cuni. ¹²Diore moa ïsiroca Espĩritu Santo ï yire ãmorã ña mua. Ito bajiro ãmorã ñari, “Gãjerã Jesure tuorũnrãre gua ejabuaroça yiya”, yirona Espĩritu Santore seniña.

¹³Ito bajiri sigũ gãjerã oca ï masibiti ï busija, ï rogoti masitoni Diore ï seniña quena. ¹⁴Diore rucubugũ gaje oca yũ masibiti yũ busija, Espĩritu Santo ï

ejabuarisena ito bajiro busiguja yu. Ito bajibojarocati, “Iti gayere busia yu”, yi masibicuja yu. Ito bajiri gajerã ina tuo masiroca yi masibicu yiguja yu. ¹⁵Ado bajiro juaji gayena Diore yu busija quena. Espiritu Santona suoriti yu masibiti oca nabojareti Diore yu busija quena. Ito yicõri gajerã ina tuotoni ina tuorisena Diore yu busija quena. Juaji gayena Diore yu basaja quena. Espiritu Santona suoriti yu masibiti oca nabojareti Diore yu basaja quena, ito yicõri gajerã ina tuorisena Diore yu basaja quena. ¹⁶Diore rucubworã Espiritu Santona suoriti gajerã ina tuobiti riti mani busibojaja, “Iti gaye busirãji ina”, yi masimenaji ina. Ito bajiri ina tuobeja, mani rãca cocati Diore rucubwo masimenaji ina. ¹⁷Manire tuobiticõri mani rãca cocati, “Queno ya Dios mu”, yi masimena yirãji ina. Diore rucubworã, “Queno ya Dios mu”, mani queno yibojarocati, manire tuobiticõri bũto busa Diore masibiti warã yirãji ina. ¹⁸Mua rëtoro gajerã oca yu masibiti busia yu. Ito bajiri, “Queno ya Dios mu. Yu masibiti oca nabojareti yu busiroca ya mu”, ya yu ire. ¹⁹Ito bajibojarocati Dios ya wi minijuacõri jaje mua tuobiti yu gotibojaja, ñe waja ma iti. Yu gotiriserẽ tuomenaji mua. Mua ocana mua tuorise jabetacã yu gotibojarocati mua tuoja, iti ña yure bũto busa quenarise.

²⁰Riaca bajiro tuoĩabesa yu ñarã mua. Ito bajibojarocati mutarãcã ñeñaro yibitiana bajiro mua ñaja quena. Bucurã bajiro queno mua tuoĩaja quena. Bucurã mua ñajare, ito bajiro tuoĩaja quena. ²¹Dios oca tuti iti gotija, ado bajiro gotia: “Yu ñarãre gaje ocana ñnare busigu yiguja yu. Gaje masa yu ñarãre gaje ocana busironare cõagũ yiguja yu. Ito bajiro yu yibojarocati yure tuorũnumena yirãji ina”, yi gotia Dios oca tuti. ²²Diore ina tuo amobeto bajiroiti tuo amomenaji Jesure tuorũnumena cuni. Sigũ gajerã oca i masibiti i busiroca Dios i yija, “Masigũ ñari manire waja senigũ yiguĩji Dios”, Jesure tuorũnumena ina yitoni ito bajiro iõguĩji Dios. Gãjiama i oca goti masiroca Dios i yija, “Masigũ ñari manire ejabuagu yiguĩji Dios”, Jesure tuorũnurã ina yitoni ito bajiro iõguĩji Dios. ²³Ado robojua baja: Diore rucubworona minijua ñaraju, gajerã oca mua masibiti mua busi ñaroca Dios ocare riasotimena, ito yicõri Diore tuorũnumena cuni ina ejaja, “Mecuri masaguti ñacõyijari ñana”, yirã yirãji ina muare. ²⁴Diore rucubworã mua minijua ñariju gajerã Diore masimena ina ejaja, Dios oca mua gotijama tuo masirã yirãji. Ito bajiri queno tuo masicõri, “Ñeñaro yigugo ñada yu cuni”, yi tuoĩarã yirãji ina. ²⁵“Yu tuoĩa rudibojarisere masicõami Dios”, yirã yirãji ina. Ito yicõri Diore rucubworona rijomunigãna ñini rũjũrã yirãji ina. “Ana rãca ñasacõami Dios”, yirã yirãji ina muare.

Minijuacõri ado bajiro queno yiruja manire, yire gaye

²⁶Tuoya yu ñarã mua. Ado bajiro baja: Mua coriarã minijuacõri basa amoa mua. Gajerã riaso amoa mua. Gajerã mua masiroca Dios i yirere goti amoa mua. Mua coriarã gajerã oca mua masibitire busi amoa mua. Gajerãre rogoti amoa mua. Quena ña ito bajiro mua yija. Dise ruyabeto mua yisotija, Diore tuorũnurã bũto

busa ña tuorũnu waroca mua yija quena. ²⁷Gãjerã oca mua masibiti mua busi ãmoja, jũarãona udiarãonati mua busija quena. Sīgũ ï busija bero, ito bero gãji, ito bero gãji mua busija quenaroja. Mua busija bero gãji ï rogotija quena, gãjerã ña tuotoni. ²⁸Sīgũ rogotigũ ï manija, minijuacõri gãjerã oca mua masibiti busibitiruja muare. Sīgũ rogotigũ ï manija, masa ña tiro riojo meje mua busija quena. Mua tuoïarisena Diore mua busija quena. ²⁹Mua masiroca Dios ï yire mua goti ãmoja, jũarãona, udiarãonati busija quena. Sīgũ ï busija bero, ito bero gãji, ito bero gãji busija quena. Gãjerã muare tuo rujirã, “Riti Dios ocare busiama ña”, yi tuoïa bese rujirã yirãji ña. ³⁰Sīgũ ï busiroca gãji tuo rujigũre ï busiroti gaye tuoïa bujaroca Dios ï yija, busisuoogu busi jidicãja quena, gãji ï busitoni. ³¹Queno gãji bero, gãji bero mua busija, mua Diore goti ïsiri masa sīgũ ruyabeto busi masirã yirãji mua. Ito bajiro mua yija, sīgũ ruyabeto busi masirã yirãji mua. Ito bajiro mua yija, buto busa Dios ocare masicõri tuoïa oca são wanũ jedirã yirãji mua. ³²Mua Dios oca goti ïsiri masa ï oca mua gotija, rocati meje gotirã yirãji mua. “Ado bajiro goticuja yũ”, yi tuoïacõri mua gotija quena. Gãjerã ña busiroca busibitiruja muare. Mua yuja quena. ³³Ñe oca manoti mani minijuaja ticõri, manire wanũgũ yigũji Dios. Ito bajibojarocati mani busi riawusaja ticõri, wanũbicu yigũji Dios.

Ito bajiri gãjerã Jesure tuorũnurã ña minijuado bajiro, ñe oca mano busi riawusare mano mua minijuasotija quena. ³⁴Dios ya wi mua minijuaro ca busire ma romiare. Ña ñama ña manũjusabatiare cudirona. Ũmua ñama ñnare ũmatãrã. Ito bajiroti gotia Dios oca tuti. ³⁵Ña seniã ãmoja, ña ya wijũ tũdi ejacõri ña manũjusabatiare seniãja quena. Mua minijuari wijũ romio sīgõ iso busija, queno ejasabea.

³⁶“Ado bajiro gotia Dios oca, yi goti rãtobu masirã ña gũa”, ¿yi tuoïati mua? Ito bajirojua meje bajia. Mua riti meje ña Dios oca boca ãmisuoana. ³⁷“Diore goti ïsiri masũ ña yũ”, sīgũ ï yija, “Mani Ũju ï rotiado bajiroti gotiami Pablo”, yi masigũ yigũji ï. Ito bajiroti yigũ yigũji gãji cunĩ, “Espĩritu Santo rotirise busia yũ”, ï yi masija. ³⁸“Dios oca gotigũ meje ñami Pablo”, sīgũ ï yija, ïre cunĩ tuorũnũbeja quena.

³⁹Tuoya yũ ñarã mua. Ado bajirojua mua yija quena: “Dios oca yũ goti masiroca ï yire ãmoa yũ”, mua yija quena. No gãjerã oca ña tuobiti ña busija, rãore ma. ⁴⁰Ito bajibojarocati mua minijua ñari wijũ gãjerãre rũcubuoacõri sīgũ ï busiroca gãjerã busire ma. No mua yisotirise dise ruyabeto queno tuoïacõri mua busija quena.

Mucana tũdi Cristo catire gaye

15 ¹“Masare masorocu goda ïsiñi Cristo”, yi muare yũ riasocatire itire tũdi mua tuoïare ãmoa yũ. Iti ocare iti rumũju boca ãmicãcu mua. Iti ocare boca ãmicõri Cristore tuorũnũna mua. ²Muare yũ riasocatire mua tuorũnũ jidicãbeja, Dios ï masoana ña mua ïja. “Dios ocare tuorũnurã ña gũa”, yibojarãti iti ocare queno tuorũnũsamena mua ñaja, Dios ï masoana meje ña mua.

³Oca bũto ñasarise yũ masiroca Dios ĩ yirere mũare riasocũ yũ. Dios oca tuti iti gotiro bajiroti, “Mani ñeñaro yirise waja goda ĩsiñi Cristo”, yi mũare riasocũ yũ. ⁴“Īre ĩna yujebojarocati ũdia rũmũ bero mũcana tũdi catiñi Cristo”, yi mũare riasocũ yũ. Dios oca tuti iti gotiro bajiroti mũare riasocũ yũ. ⁵Tũdi caticõri Pedroe goaĩoyijũ Jesús. Ito bero ĩ cũana jũa gũbojeno ñarãre goaĩoyijũ. ⁶Ito bero gãjerã quinientos ñarã rẽto busaro ĩre tuorũnũrãre goaĩoyijũ Jesús. Ī goaĩoana jãjarã catiama maji. Gãjerãma godacoaņi. ⁷Ito bero Santiagore goaĩoyijũ. Ito bero ĩ oca goti ucutoni ĩ cũanare ñarocõreti goaĩoyijũ.

⁸Īnare ĩ goaĩoja bero yũre cũni sũsari goaĩoquĩ. Īna bajiro ñasagũ meje ña yũ. Ñasagũ meje yũ ñajare ĩna bero yũre cũni goaĩosũsaquĩ ĩ. ⁹Ī oca goti ucuroña ĩ cũana rãca corocõ ñasagũ meje ña yũ. Iti rũmũ Cristore tuorũnũrãre queno yibiticũ yũ maji. Ī ñarãre yũ ũsirioro yi codejama ĩ oca yũ goti ucuroca yibitiborũ Dios. “Queno yũ yigũ ñajare yũre beseņi Dios”, yi tũoĩabea yũ. ¹⁰Yũre ti maicõri yũre beseņi Dios, ĩre yũ moa ĩsitori. Quenoguti Dios ĩ yũre yijare ĩre queno moa ĩsia yũ. Ito bajiri, “Bũjato baja. Īre besebojacũ yũ”, yibeami Dios yũre. Gãjerã Jesús ĩ cũana rẽto busaro Diore moa ĩsia yũ. Ito bajibojarocati yũmasi meje Diore moa ĩsia yũ. Yũre ti maicõri ĩre yũ moa ĩsi masiroca yami Dios yũre. ¹¹“Gãjerã rẽto busaro Dios oca mũare riasocũ yũ”, yũ yija no yibea iti. Ado robojũa ña ñasarise. Dios ocare tuocõri Jesure tuorũnũyija mũa. Itijũa ña ñasarise.

Godabojarãti mũcana tũdi mani catire gaye

¹²Gũa Jesús ĩ cũana sigũ ruyabeto corocõ gotia gũa. “Godabojaguti mũcana tũdi catiñi Cristo”, yi gotia gũa. Mũare ito bajiro gũa yibojarocati, ĩno yija mũa coriarã, “Godabojarãti mũcana tũdi catiya ma”, yati mũa? ¹³Godabojarãti tũdi catire iti manija, Cristo cũni tũdi catibitiborũ. ¹⁴Tũdi ĩ catibeja, ĩ oca gũa riasobojarise ñe waja manojã. Ī tũdi catibeja, ĩre tuorũnũbojarãti ya mũa. Ī manija ĩ manibojarocati ĩre tuorũnũboana mũa. ¹⁵Ī tũdi catibeja, bũrãti Dios oca riasoboyija gũa. “Tũdi Cristo ĩ catiroca yĩni Dios”, yicãcu gũa. Godana mũcana tũdi ĩna catibeja, Jesure cũni tũdi ĩ catiroca yibitiborũ Dios. ¹⁶Godana mũcana tũdi ĩna catibeja, ito bajiroti Cristo cũni tũdi catibitiborũ. ¹⁷Cristo tũdi ĩ catibeja, ĩre tuorũnũbojarãti ya mũa. Ī manija ĩ manibojarocati ĩre tuorũnũboana mũa. Mani ñeñaro yirise waja, waja yi ĩsirocũ godacõri ĩ tũdi catibeja, seti cutirã ñaboana mani maji. ¹⁸Ito bajiro iti bajija, Jesucristore tuorũnũcõri godana jeame ĩjũroju waboana ĩna. ¹⁹Cristore tuorũnũbojarãti tũdi mani catibeja, ĩre tuorũnũmena rẽtoro bojori bũjarã ñaboana mani.

²⁰Ado robojũa baja: Cristo ĩ godabojarocati mũcana tũdi ĩ catiroca yĩni Dios ĩja. Ito bajiri ĩ ñami cajero godabojaguti mũcana tũdi catisũorũ. Īna sũoriti godana ñarocõti mũcana tũdi cati jedirã yirãji. ²¹Adãn ñayorũ ĩ ñeñaro yirajũna sũoriti godasũoņi adi sita gãna. Ito bajibojarocati Cristo tũdi ĩ catirajũna sũoriti

godabojarāti tūdi catirāji mani cūni. ²²Adán ñayorū janerābatia ñari goda jedirā yirāji mani. Ito bajibojarocati Cristore tʷorūnūrā ñari ña sʷoriti mʷcana mani catiroca yigū yiguūji Dios. ²³Dios ī āmoro bajiroti mʷcana tūdi catirā yirāji masa. Cristo ñami cajero godabojaguti mʷcana tūdi catisʷorū. Ija Cristo ī tūdi ejaroca ire tʷorūnūgoana mʷcana tūdi catirā yirāji. ²⁴Ito baji ñaroca adi ūmuari jediro yiroja. Ī wajana ñarocōreti rētocūgū yiguūji Cristo. Adi sita gāna ʷjarā, ito yicōri ūmacūju gāna ʷjarāre cūni rētocūgū yiguūji Cristo. Ito bajiro yicōri ire tʷorūnūrāre miojugū yiguūji Cristo. “Īna ʷju ñasagū ñatīñama mʷ”, yirocū ī Jacū Diojuare īsigū yiguūji Cristo ire tʷorūnūgoanare. ²⁵Ī wajanare ī rētocūroto riojua ʷju ī ñaroca yigū yiguūji Dios Cristore. Ito bajiro ī baji ñare āmoguūji Dios. ²⁶Ī wajana ñarocōreti rētocūcōri masa ña godarise gaye itocōti gajanoagū yiguūji Cristo. Ito bajiri mʷcana tūdi godare mano yiroja. ²⁷Dios oca tuti iti gotiro bajiroti jeyaro ʷju ñarocure cūñi Dios Cristore. “Ī Jacū ʷju ñami Cristo”, yireoni meje ña iti. Ī Jacūjua jeyaro ʷju ñarocure cūñi. ²⁸Co rʷmū ī wajana jeyarore, ito yicōri ʷjarā jeyarore cūni ñare rētocūgū yiguūji Cristo. Ito bajiro yicōri jeyarore rotigū ñagū yiguūji Cristo. Iti rʷmūti ī roti masitoni Dios ī jidicāre tūdi īsigū yiguūji Diore. Ito bajiro ī yjare Dios ire cūru jeyaro, dise rʷyabeto ʷju ñagū yiguūji.

²⁹“Godana mʷcana tūdi catimenaji”, gājerā ña yibojarise gaye mʷare goti masio āmoa yū. ¿No yija, “Godana mʷcana tūdi catimenaji”, yi tʷoīabojarāti idé guya mana godanare yiari idé gu īsirā yati gājerā? Godana mʷcana tūdi ña catibejama, rocati bajiro ñare idé gu īsibojarāji ña.

³⁰Dios oca yū riasoja, bʷto guijosotia yʷre, jājarā yʷre sīa āmorā ña cūñjare. “Riti godana tūdi catirā yirāji ija”, yi tʷoīacōri Dios oca riaso jidicābea yū. ³¹Riti mʷare gotia yū ñarā yū. Co rʷmū rʷyabeto yʷre sīa āmorā cūñisotiamā ña. Riti bajia iti. Gaje riojo gotia yū mʷare. “Yū riasocaire tʷocōri Cristore tʷorūnūñi Corinto cuto gāna”, yi mʷare tʷoīacōri wanua yū. ³²Efeso cuto gāna yaiare bajiro guacōri yū tōbʷjaroca yicā ña. Godabojarāti mʷcana tūdi mani catibeja, rocati Diore moa īsibocū yū. Ito yicōri tōbʷjabojaguti, ñe bʷjabitibogʷja yū. Godana mʷcana tūdi ña catibeja, Jesure tʷorūnūmena ña tʷoīado bajiro mani cūni tʷoīaja quenaboa. Ado bajiro yi tʷoīama ña: “Yoari mejeti godarā yirāji mani. Ito bajiri mani āmoro bajiroti wanʷjua mani, barʷja mani, idirʷja mani”, yi tʷoīabojama ña.

³³Ito bajiro rʷo gotirāre tʷorūnūbesa. Ado bajirojua ya yū mʷare: “Ñeñaro yirā rāca mʷa baba cūtiya, queno yirā ñabojarāti ña bajiroti ñeñaro yirā yirāji mʷa cūni”, ya yū mʷare. ³⁴Tūdi queno tʷoīa quenocōri quenarise riti yiya mʷa. Mʷa ñeñaro yirisere jidicāña. Mʷa coriarā Diore masirā meje ña mʷa. Mʷa bojo bʷjatoni ito bajiro ya yū.

Godabojarāti mʷcana tūdi ña catire gaye

³⁵Ado bajiro yʷre seniārā yirāji gajea coriarā: “Godana ñabojarāti, ¿no bajiro tūdi catirā yirājida? Ito yicōri, ¿no bajiro ruju cūtirā yirājida ña?” yi yʷre seniārā yirāji gajea coriarā. ³⁶Ito bajiro yʷre seniārā queno tʷoīamena ñama

ina. Ado robojua baja: Aje mani oteja, joe gayeti jogaro yiroja. Ito bajibojarocati gudajubero gaye judi mujaroja. ³⁷⁻³⁸Trigo ajeri, gaje ote ajeri mani oteja, rujagu meje otea mani. Mani oteja bero rujagu iti natoni Dios i amoro bajiroti menigü yiguüji i. Ote ajeri iti nãaro bajiroti iti judiroca yigu yiguüji Dios. Maniama ajerigoti otea mani. Dios nãami iti judiroca yigu. ³⁹Mani catirã jeyaro ricati riti ruju cutia mani. Tite mua. Wai, waibucurã, wutirã, mani masa cuni ricati riti ruju cutia. ⁴⁰Ito bajiroti umacüju gãna cuni ricati ruju cutirãji. Mani adi sita gãna ricati ruju cutia mani. Mani adi sita narã quenari ruju, ruju cutia mani. Umacüju gãna cuni manire bajiro ruju cutibitibojarãti quenari ruju, ruju cutirãji ina cuni. ⁴¹Umua gagu i busurise bajirise meje busuami nãami gagu cuni. Ricati busuami. Ito bajiroti nocõa cuni ricati busuama. Ina nocõa comasi cuni ricati riti busuama. ⁴²Ito bajiroti bajirã yirãji mani. Godabojarãti mucana tãdi caticõri ricati ruju cutirã yirãji mani. Sigü godarure mani yujeja, i ya ruju jogacoaro yiroja. Tãdi catiroca Dios i yija, tãdi godare mano yiroja ire. ⁴³Sigü godarure mani yujeja, jogari rujure yujea mani. I tãdi catiroca Dios i yija, seyori ruju, ruju cutigu yiguüji. Queno ruju seogure meje yujea mani. Ruju seobiti ruju yujea mani. Ito bajibojarocati tãdi catiroca Dios i yija, seõri ruju, ruju cutigu yiguüji i. ⁴⁴Adi sita narã mani ruju cutirisere ina yujeja, jogari rujure yujerã yirãji ina. Ito bajibojarocati mani tãdi catiroca Dios i yija, jogabiti ruju bujarã yirãji mani. Adi sita narã jogari ruju, ruju cutia mani. Mani godabojarocati mani ya usiama godabetoja. Umacüju Dios tu ejacõri jogabiti ruju, ruju cutirã yirãji mani.

⁴⁵Ado bajiro gotia Dios oca tuti: “Cajero umugü nasuoru, Adãn ñayoru Dios i rujeoru ñayiju. I catiroca yiyiju Dios”, yi gotia Dios oca tuti. Adãn bero gagu nabojaguti i rëtoro nasagu nãami Cristo. I nãami mani catitĩnaroca yigu. ⁴⁶Adocãta mani ruju cutirise jogari ruju ña. Ito bajibojarocati umacüju Dios tu ejacõri jogabiti ruju bujarã yirãji mani. ⁴⁷Umugü nasuorure sitana rujeoyiju Dios. Ito bajiri adi sita gagu ñayiju i. I bero gagu Cristoama umacüju gagu wadiru ñayiju. ⁴⁸Adi sita narã cajero nasuoru sitana rujearu robo bajiro ruju cutia mani. Umacüju Dios tu mani waja ito gagu wadiru Cristo robo bajiro ruju cutirã yirãji mani. ⁴⁹Adi rumuri Adãn ñayoru bajiro ruju cutia mani. Ito bajibojarocati Dios tu ejacõri Cristo bajiroti ruju cutirã narã yirãji mani ija.

⁵⁰Ado bajiro goti amoa yu narã yu muare: Adocãta mani ya ruju wirowi, rí cuni ña manire. Ito bajiri ruju umacüju Dios i rotiroju ña masibetaja. Adocãta mani ruju cutiri ruju yoari nabetoja. Ito bajiri Dios rãca catitĩnarona ruju jogabiti ruju mani ruju cutija quena. ⁵¹Gãjerã ina masibitire muare gotigu ya yu. Jeyaro meje godarã yirãji. Ito bajibojarocati mani sigü ruyabeto ruju wasoarã yirãji mani. ⁵²Cajea mani yabi yiro bajiro ejaroti rujure wasoagu yiguüji Dios. Ito bajiro bajiro yiroja susari rumu. Trompeta wame cutirica jutiraga oca ruyuro yiroja. Iti oca ruyuroca godana tãdi catirã yirãji. Ito yicõri tãdi godare mano yiroja inare. Iti rumuri cati ruyarãre ina ya rujurire wasoagu yiguüji Dios. ⁵³Mani ruju cutirise jogarise ña. Ito bajiri Dios rãca mani catitĩnatoni manire ruju wasoagu yiguüji Dios. Adocãta mani ruju

cūtirise godacoaro yiroja. Ito bajiri tūdi mani godabititoni mani ya rujuere wasoagu yiguūji Dios. ⁵⁴⁻⁵⁵Adocāta mani ruju cūtiri ruju godacoaro yiroja. Mucana tūdi godabiti ruju Dios ī manire wasoaja, Dios oca tuti iti gotiado bajiroti rētarō yiroja. Ado bajiro gotia iti: Mani godarise jediroca yami Dios īja. Ito bajiri mucana tūdi godamenaji mani. “Tōbujacōri goda wacu ya yu”, yi tuoīa giūre ma īja. ⁵⁶Ñeñaro yisotirā ñari godarā yirāji mani. Dios ī rotirisere cudimena ñari, “Ñeñaro yirā ña gua”, yi tuoīa mani. Neñaro mani yirisere mani coe rotibeja godacōri, buto tōbujarā yirāji mani. ⁵⁷Ito bajibojarocati mani Ūju Jesucristore mani tuorūnaja, ī godarena suoriti jeame ūjueru mani waborere rētoḡu yiguūji Dios. Godabojarāti caticoarā yirāji mani. Itire tuoīa wanucōri, “Queno ya Dios mu”, ya mani.

⁵⁸Ito bajiri Jesucristore tuorūnū jidicābitirūja yu ñarā manire. Ito yicōri ĩre moa ĩsi jidicābitirūja manire. “Īre mani moa ĩsija queno manire waja yigu yiguūji Dios”, yi tuoīa mani. Ito bajiri mani Ūjere mani moa ĩsija rocati meje moarā yirāji mani.

Gājerāre ejabuarona mani niyeru miojure gaye

16 ¹Gājerā Jesure tuorūnūrāre ejabuarona niyeru muā miojuroti gaye muare busigu ya yu adocāta. Jesure rūcūbuorona ĩna minijua ñaroca, Galacia sita gānare niyeru yu mioju rotiado bajiroti muare cūni niyeru mioju rotia yu. ²Ado bajiro muare mioju rotia yu: Coji tujacāra rāmū ruyabeto muā buja sosaro bajiroti jabetacā ĩsija quena. Itire miojucōri cojūti seoba. Ito bajiro muā yija, yu ejari rāmū ñacāro yiroja. ³Muā tu ejacōri niyeru āmi warona muā beseanare, “Jerusalén gānare niyeru ĩsitēña”, yirocū ĩnare wa rotigu yiguja yu. Ito bajiri muā miojure gaye āmi wacōri ito gāna Jesure tuorūnūrā bojoro bujarāre ĩsirā yirāji ĩna. “Āna ñama queno yirā. ĩnare boca āmiña muā”, yi papera uca ĩsigū yiguja yu Jerusalén gānare ĩna ĩo ejatoni. ⁴“Īna rāca warūja yure”, yu yi tuoīaja, ĩnare ūmatā wacu yiguja yu.

Warocū Pablo ī tuoīare gaye

⁵Adona wacōri Macedonia sitaju ejagu yiguja yu. Itona wacōri muā cuto Corintoju ejagu yiguja yu. ⁶Yolari muā rāca ñagū yiguja gajea yu. Juebucū ñarocōti muā rāca ñagū yiguja gajea yu. Ito bero gaje cuto yu wa masitoni yure mani gaye yure muā ĩsi ejabuaja quena ñaroja yure. ⁷Ejori oca muā tu ti rēta āmobeja yu. Mani Ūju ī āmoja, yolari muā tu ña āmoa yu. ⁸Ito bajibojagūti coji wabeja yu maji. Adi cuto Efeso, iti Pentecostés basa iti rētaja bero wacu yiguja yu. ⁹Ado ñacōa āmoa yu maji. Jājarā yure ti tudirā ñabojarāti, Dios oca yu riasoja jājarā ñama queno tuo āmorā.

¹⁰Timoteo muā tu ī ejaja, queno boca āmima ĩre. Muā rāca ī wanūtoni, ī tuoīa oca jaibe yirona, queno ĩre boca āmima. Mani Ūjere moa ĩsigūti ñami ī cūni, yu robo bajiroti. ¹¹Ito bajiri ĩre muā rūcūbuore āmoa yu. Īre bocatia yu, ito yicōri Jesure tuorūnūrā ĩ rāca gānare cūni. Ito bajiri muā tu ī ejaja, ĩre ejabuaja, yure rēta tigu ĩ ejatoni.

¹²Mani yagũ Apolosre gãjerã Jesure tuorũnurã rãca ãre josabojacu yũ, mua tu ã tigu watoni. Ito bajiro yũ yibojarocati “Adocãta yũ ware ãmoguĩji Dios”, yi tuoĩabeami maji. Ito bajiri, “Yũ ware quena”, ã yi tuoĩari rumũ mua tu tigu wacu yiguĩji ã.

Quenajaro masa, Pablo ã yi ñucare gaye

¹³Queno tuoĩacõri ña yucãña mua. Ito yicõri mani Uju Jesucristore tuorũnu jidicãbesa mua. Uũmua seyoro queno mua usi cuti ñaja quena. Ito yicõri tuoĩa oca sãoña mua. ¹⁴Dise ruyabeto Diore mua moa ãsisotirise gãjerãre ti maicõri ãre moa ãsija quena.

¹⁵Acaya sita gagũ Estãfanas ã ñarã rãca cajero Dios oca yũ riasocaire boca ãmisũoquĩ ã. “Ito bajiroti bajicu”, yi tuoĩarãji mua. Adi rumuri gãjerã Jesure tuorũnurãre ejabũarona Diore moa ãsirã yama ãna. ¹⁶Ñare mua rũcũbuo cãdire ãmoa yũ. Ito yicõri no ãna bajiro Diore moa ãsicõri mua rãca moarãre mua rũcũbuo cãdire ãmoa yũ. ¹⁷Mua ñarã Estãfanas, Fortunato ito yicõri Acaico ãna ejaja bũto wanua yũ. Sõju ñacõri yũre ejabua masibeã mua. Ito bajiri mũare yiari yũ tu ejacõri yũre ejabũama ãna. ¹⁸Mua oca sãoroca ãna yiado bajiroti yũ tu ejacõri yũ oca sãoroca yama ãna. Ito bajiro yirãre mani rũcũbuoja quena.

¹⁹Asia sita gãna Jesure tuorũnurã, “Quenajaro”, yi ñucama mũare. Aquila ã manojo Priscila ãna ya wi minijuarã cuni mani Ujũre tuorũnurã ñari, “Quenajaro”, yi ñucama ãna mũare. ²⁰Ado gãna manire bajiro Jesure tuorũnurã, “Quenajaro”, yi ñucama mũare. Diore rũcũbuorã ñari, “¿Ñati mua?” yicõri gãmeri mua jababare ãmoa yũ.

²¹Yũmasiti, “Quenajaro”, yi uca ñuca yũ mũare.

²²No mani Uju Jesucristore maimena jeame ujuoroju warã yirãji. Mani Uju ã tũdi ejare ãmosacõã yũ.

²³Mani Uju Jesure senia yũ mũare queno ã yitoni. ²⁴“Jesucristore tuorũnurã mua ñajare, mũare bũto tuo maia yũ”, yi ñuca yũ mũare. Itocõ ña.